

نوطة الطالب

لمادة علم الأحياء

النوطة الأولى :

أ.بشار ديوب

_ نوطة لشرح جميع دروس بحث العصبية

_ شرح شامل وكامل 100%

_ صور وجداول توضيحية ومقارنات

بكلوريا 2023

0947056901

مقدمة

نوطة الطالب / علوم □

هذا العمل مجاني على روح المرحوم والدي طالب ديوب وعلى روح أخي
الشيهد ضرار ديوب أرجو الدعاء لهم بالمغفرة والرحمة ...

هذه النوطة لاتغنيك عن مرجعك الرئيسي وهو الكتاب الصادر عن وزارة التربية
والتعليم .

هذه النوطة شرح لما ورد في الكتاب من دروس وفقرات .

طريقة الدراسة هي قراءة الدرس من الكتاب ثم الدراسة من النوطة أو العكس فهذه
النوطة أعيد وأكرر هي شرح للدروس وأتمنى أنو أكون قد أوصلت لكم الشرح
الصحيح والعلم النافع .

هذه النوطة أخذت ساعات من العمل والجهد والسهر لتصل اليكم بهذا الشكل أتمنى
الدعاء لي إذا تمت عليكم الفائدة




أخوكم : **بشار طالب ديوب**

بسم الله نبدأ ما تيسر من شرح لبحث العصبية □

ديوب

الوطة الأولى : البحت الأول العصبية

الدرس الأول : الجهاز العصبى

بأول صفحة بالدرس فقرة تطور الجهاز العصبى بدءاً من البارامسيوم  وصولاً للحشرات ومن بعد الحشرات الى الجهاز العصبى الأكثر كفاءة وتعقيداً لدى الإنسان  بهاالصفحة منركز أكثر الشى على كل كائن من شو بيتكون جهازو العصبى 




وملاحظ أنو دودة الأرض  والحشرات  بيشتروكو بنفس المكونات بس الحشرات عندها جهاز عصبى حشوى زيادة عن دودة الأرض وهاد الي خلاها تكون متطورة أكثر 

فقرة البارامسيوم :

أول الشى البارامسيوم من الكائنات وحيدة الخلية يعنى كلو على بعضو خلية وحدة فقط لا غير بيتحرك البارامسيوم من خلال الأهداب طبعاً هلق بتشوفوها بالصورة تحت وهالأهداب متصلة بحبيبات قاعدية نغمورة أو مغموسة في السيتوبلازما الخلية وهي الحبيبات أيضاً متصلة مع الليفيات العصبية وهيك بتكون عنا الشبكة العصبية للبارامسيوم .


ماذا ينتج عن تلف بعض الليفيات العصبية ؟

توقف حركة الأهداب عن بعضها .



فقرة الهيدرية :

هلق تطورنا شوي بالكائنات و عنا الجهاز العصبي للهيدرية مكون من شبكة من خلايا عصبية أولية توصل السائلة العصبية بكل الاتجاهات لأنو هي شبكة عكل جسم الهيدرية موقع الشبكة العصبية الأولية




حدد بدقة موقع شبكة الخلايا العصبية الأولية ؟ (الموقع بالحرف)

في قاعدة كل من الطبقتين الخارجية والداخلية على جانبي الهلماة المتوسطة لجدار جسم الهيدرية

فقرة دودة الأرض :


تطورنا أكثر و صار بدودة الأرض الجهاز العصبي مكون من حبل عصبي بطني و عقد عصبية و أعصاب شايقين كيف زادت مكونات الجهاز العصبي كل ما تطورنا بالكائنات خدولي هالتفسير



فسر انحذاب دودة الأرض نحو الغذاء والرطوبة ؟ يعود ذلك لتعقد نسبي في الجهاز العصبي لدى دودة الأرض والذي يتكون من حبل عصبي بطني و عقد عصبية و أعصاب .

فقرة الحشرات :

يتكون الجهاز العصبي عند الحشرات من (حبل عصبي بطني و عقد عصبية و أعصاب + جهاز عصبي حشوي)



يعني شفنا بعيونا أنو جهازها العصبي تطور عن الدودة و زاد عليه بجهاز عصبي حشوي 😊 لهيك تملك الحشرات جهاز عصبي مركزي معقد نسبياً

شو يعني معقد نسبياً 😞 😞!؟!

ملاحظة هامة: يعني نحن لما قلنا الحشرات عندها

جهاز عصبي "معقد نسبياً"

يعني جهاز الحشرة معقد بالنسبة للهيدرية ومعقد كتير بالنسبة للبارامسيوم بس بالنسبة

للإنسان هو مو معقد بل بسيط جداً لأن الإنسان جهازو العصبي متطور أكثر 😊

نحن لما وصلنا عفرة دودة الأرض صرنا نسمع بمصطلح معقد نسبياً لأن صار في عنا عقد

عصبية بمكونات الجهاز العصبي وصار الأمر نسبي للكائنات الأخرى 👍

علل تمكنت الحشرات من التكيف مع البيئات

المختلفة؟

بسبب قوة احساسها وتنوعه وجهازها العصبي الذي

تطور بما يلائم حواسها



□□□

وهلق منجي عالکائن الأول بالتطور ويلي هو انت وأنا يعني الإنسان ... طيب من شو بتكون


جهاز الإنسان العصبي!؟!

١_ **جهاز عصبي مركزي CNS** : بتكون من اسمو مبين مركزي معناها دماغ ونخاع شوكي

٢_ **جهاز عصبي محيطي PNS** :

يتكون كونو هو محيطي من أعصاب (دماغية وقحفية وشوكية) وأيضاً من عقد عصبية ✓

شوفولي هالصورة ❤️



السكتة الدماغية Brain Attack

من اسمها مبين أنو الدماغ سكت (😞) وقف عن العمل لمدة معينة !!

▼ **السكتة الدماغية:** هي حالة تحدث نتيجة عدم وصول الدم المحمل بالأكسجين للدماغ وطبعاً الدماغ هو عطول بحاجة أكسجين وبيستهلك نحو ٢٠% تقريباً من الدم يلي بيوصل عالجسم .

◆ إذا انقطع الدماغ عن الأكسجين لأكثر من بضع دقائق هالشي يؤدي لموت خلايا الدماغ ❤️

◆ الشريان يلي بيوصل الدم المحمل بالأكسجين للدماغ هو الشريان السباتي أو مايعرف بالشريان المسؤول عن تغذية الدماغ 💡

وأحياناً هالشريان السباتي ممكن يصير فيه خثرة دموية (**جلطة**)

▼ **الجلطة:** هي عبارة عن دم بيجمد على بعضو بسبب تراكم الشحوم والدهون فهالتجمع هاد بيشكل مثل حاجز بالشريان وبيعرقل عبور الدم مما يؤدي لحدوث جلطة بهاد الشريان ومن ثم سكتة دماغية 🧠

◆ السكتة الدماغية الها نوعين :

◆ السكتة التي تحدث بسبب الجلطات الدموية وتشكل 87%

◆ السكتة التي تحدث بسبب نزيف في الدماغ أو ماحوله وتشكل ١٣%

شفنا أنو في نوعين للسكتة الدماغية والنوع الأول كان النوع يلي بصير بسبب الجلطات الدموية وبتشكل ٨٧% من الحالات ونكرو بالكتاب بس نسبة النوع الأول لأن بديهياً النسبة الثانية للنوع الثاني رح تكون ١٣% 💡 ✓

معناها النوع الثاني يلي هو بسبب نزيف في الدماغ أو ما حوله بيشكل نسبة ١٣% 👍

طيب شو **أعراض** السكتة؟؟ كلنا منعرف وشايفين أشخاص مجلوطين ملاحظ كتبير شلل نصفي يعني قسم من جسم (اليسار أو اليمين) كتير مرتخي ومنعرف أنو هالشخص ماعم يقدر يتحرك بشكل مريح وكامل وأحياناً ملاحظ عليه دوخة وكلامو مو واضح أبداً .

طيب شو **الأسباب** يلي بتساوي تجلط عنا؟؟

العادات الغير صحية ومو منيحة بتأدي للجلط يعني التدخين والسمنة وازدياد الكولسترول لأنو الكولسترول بجري بهالدم ومتى ما ازدادت كميتو بسدلنا الشريابين وبسبب تجلط فوراً وأكد التغذية السئية وارتفاع ضغط الدم .

▶ هلق منجى على منشأ الجهاز العصبي ▶

بدنا نعرف أنو أي شي بجسمنا أي عضو يعني الو منشأ أساسي وخلال فترة الحمل عنا ٣ وريقات أساسية كل وريقة الها دور بأنو ينشأ عضو بجسمنا منسميهون الوريقات الجنينية (الخارجية والداخلية والمتوسطة)

عم يقولونا **بينشأ الجهاز العصبي من الوريقة الجنينية الخارجية طيب ايمت؟؟**
(خلال) الاسبوع الثالث من الحياة الجنينية .



□□□

رتب مراحل تشكل الأنبوب العصبي والعرف العصبي بدءاً من اللويحة العصبية؟

بتتذكروا الوريقة الجنينية الخارجية يلي
حكينا عنها قبل قال الوريقة الجنينية
الخارجية

بتشكل ← لويحة عصبية

وبهي اللويحة بتشكل طيتان جانبيتان
مفصولتان

بميزابة عصبية

تبرز الطيتان وتلتحمان مع بعضهما في
الوسط فبتتحول الميزابة إلى

أنبوب عصبي




ينفصل الأنبوب العصبي عن الوريقة
الخارجية متى؟؟

في نهاية الأسبوع الرابع من الحمل
بعدين بتنفصل مجموعة من الخلايا

العصبية عن الوريقة الجنينية الخارجية

وبتوضع فوق هالأنبوب العصبي يلي يؤدي

الى تشكل # العرف العصبي



ملاحظة :

خلايا العرف العصبى بتشكل العقد العصبية بعدين (شوفو الصورة يلي بالكتاب ص ١٢)
ينفصل الأنبوب العصبى عن الوريقة الجنينية الخارجية في نهاية الاسبوع الرابع من الحمل
ويظهر في الأنبوب العصبى من الأمام ثلاث حويصلات ، ويتشكل النخاع الشوكى من القسم
المتبقى من الأنبوب ، وتشكل خلايا العرف العصبى الأنبوب العصبى .



هلق رح نحكى على شخص محترم اسمو # الدماغ
هاد بياكل وبيشرب وبيستهلك أكسجين متلو متلك ومو بس هيك الو وزن كمان
تابعو شو بصير

طيب سؤال شو وزن هالدماغ يلي عم تحكى عليه ؟؟

اييه سهلة كيلو ونص تقريباً يعني (1400 غرام)

سؤال تانى هالمخ مابو اكسجين ليشغل شقد بدو طيب ؟؟

بدو ٢٠% من الاكسجين يلي بيوصل عالجسم

سؤال أخير استاذي وبعتر منك عم تقول الدماغ بياكل شو أكلتو المفضلة ؟؟

أكلتو المفضلة ياسيدي الغلوكوز (سنيكرز) (🍌) (🍌) (🍌)

ايوا طيب مالو أقسام هالدماغ ؟؟ لكنن هو يلي الو

وأقسامو كالتالي (مخ ومخيخ ودماغ بيني وجذع الدماغ)

استاذ استاذ شو هدول دماغ بيني وجذع الدماغ

ياسيدي الدماغ البيني بيتكون من (المهادان والوطاء)

طيب وجذع هالدماغ بيتكون من (دماغ متوسط وحدبة حلقيه وبصلة عالفحم لاا بصلة

سيسائية ها)

استاذ خوتتنا بالأسماء

طيب ياسيدي خدلي هالقصة ي

كان في عجوز كبير بالعمر اسمو الدماغ عندو ٤ أولاد واحد من ولادو اسمو


جذع الدماغ وهاد جذع الدماغ عندو ٣ ولاد كمان (دماغ متوسط وحدبة حلقيه وبصلة

سيسائية)

ابنو الدماغ المتوسط (حفيد الدماغ وابن جذع الدماغ) متزوج وعندو ولاد كمان

(السويقتين المخيتين والحدرات التوءمية الأربعة)

شفلي شجرة العائلة للدماغ



بما أنو هالدماغ متلو مثلنا بياكل وبيشرب وبيتنفس
أكيد بدو مين يحميه ويدافع عنه اذا صار مشاكل
طيب يا استاذ مين يلي بدافع عن الدماغ وبيحميه
ياسيدي انت يلي بدافع عن الدماغ هي أربع تراكيب

(عظام القحف _ السحايا _ السائل الدماغي الشوكي _ الحاجز الدماغي الدموي)

السائل الدماغي الشوكي عناقيدية حكي عليه . أول الشي بينفرز من الصفائر المشيمية
لبطينات الدماغ

تاني شي بما أنو سائل وكذا فبيمتلك نوعين : سائل دماغي شوكي خارجي وداخلي
في فكرة أنو هالسائلين كل واحد موجود بمكان معين

السائل الدماغي الشوكي الداخلي : من اسمو يتواجد بقناة السيساء . هي القناة موجودة عطول

العمود الفقري يعني من شان نشبه الموضوع مثل نبريج المي العمود الفقري وجوات هالنبريج
مي عم تمشي فالمي هي السائل الدماغي الشوكي) ويتواجد الداخلي ايضاً ببطينات الدماغ .

السائل الدماغي الشوكي الخارجي : في الحيز تحت العنكبوتي (بين الغشاء العنكبوتي وغشاء
الأم الحنون) .

خلصنا من هالتركيب يلي بيحمي الدماغ مننتقل عالتركيب الثاني (الحاجز الدماغي الدموي)
مين بشكل هالحاجز !!! الخليا الدبقية النجمية منشوف بالدرس الثاني هالشي

طيب شو فائدتو من اسمو حاجز وهالحاجز بوقف المطلوبين والخطرين وينظم البيئة الداخلية
للمنطقة وبما أنو حاجز بحافظ على الأمن والأمان .

(يمنع وصول المواد الخطرة التي قد تأتي مع الدم
إلى الدماغ وينظم البيئة الداخلية لخليا الدماغ)

ضيفولي عالصورة عظام القحف



هلق منجى على محتويات الؤمؤة لنؤوص فيها ...

محتويات الدماغ

أولاً : جذع الدماغ :

1_ البصلة السيسائية :

✳ شكلها مخروطي ، ولونها أبيض

✳ موقعها : بين الؤءة الؤلقية من الأعلى

والنؤاع الشوكي من الأسفل

2_ الؤءة الؤلقية (جسر فارول) :

✳ تبارز مستعرض لونها أبيض

موقعها : تقع بين البصلة السيسائية بالأسفل والدماغ المتوسط بالأعلى

3_ الدماغ المتوسط :

✳ مكوناته : الؤءات التوأمية الأربعة والسويقتان المؤيتين

✳ موقعه : بين الؤءة الؤلقية بالأسفل والدماغ البيني بالأعلى

ثانياً : الدماغ البيني (المهادي) :

هام موقع الدماغ البيني :

يشكل صلة الوصل بين نصفي الكرة المؤية وجذع الدماغ .

مكوناته :



1_ المهادين :

كئلتين عصبيتين كبيرتين شكلهما بيضوي يتكونان من مادة رمادية .

موقعهما : على جانبي الوطاء .


2_ الوطاء :

موقعه : أرضية البطن الثالث وهو منطقة تقع في مكان تباعد السويقتين المؤيتين ويرتبط مع الغدة النؤامية .



****منضيف موقع هام جداً****

موقع الجسم المخطط : يقع في قاعدة كل بطين جانبي في كل من نصفي الكرة المخية .



□ ثالثاً : المخ :

أكبر أقسام الدماغ

*** علل * سطح القشرة السنجابية بالمخ واسع؟؟**
لوجود عدد من التلافيف والشقوق على سطحه .

← الشق الأمامي الخلفي : يقسم المخ الى نصفي كرة مخية .

← جسيران من مادة بيضاء << يصلان نصفي الكرة المخية .

ماههما؟؟

هالجسيران هنون

1_ الجسم الثفني : يقع في قاع الشق الأمامي الخلفي .

2_ مثلث المخ : تحت الجسم الثفني .

← البطينات : تجاوبف أربعة توجد داخل الدماغ



□ رابعاً : المخيخ :

🔴 موقعه : خلف البصلة السيسائية والحدة الحلقية .



□□□

طيب حكينا أنو بطينات الدماغ هي تجاوبف جوا الدماغ

السؤال هون هالتجاوبف شو اسمها وشو يلي بيوصل بيناتها 😊؟؟

اسم هالبطينات (البطينين الجانبيين هحول توأم وعنا بطين ثالث و رابع) هيك بالترتيب من فوق لتحت .

هلق بين كل بطين في صلة وصل هلق منجي من فوق لتحت أول شي قلنا بطينين جانبيين

توأم بضلو سوا وتحتون بطين ثالث يلي بيربط البطينين الجانبيين بالبطين الثالث

هنن فرجتا مونرو لأنو في بطينين جانبيين لهيك فرجتين لمونرو .

هلق منزل لتحت شوي ... شو يلي بيربط البطين الثالث بالرابع ؟

عم يقولونا قناة سلفيوس هي يلي بتربطهون .

طيب سؤال على شو بيفتح البطن الرابع ???

بيفتح البطن الرابع على الحيز تحت العنكبوتي عبر ثلاثة ثقوب (ثقب ماجندي وثقبا لوشكا) يمر منها السائل الدماغي الشوكي .

مرجع نأكد بيفتح البطن الرابع على الحيز تحت العنكبوتي (بجندي واحد ومسلمينو للجندي 2دوشكا) صارو 3 ثقوب

مرجع منرتهين من أول

❖ عنا بطينين جانبيين

❖ تحتون فرجتا مونرو

❖ تحت الفرجتين بطين ثالث

❖ تحتو للبطين الثالث قناة سلفيوس

❖ تحتها بطين رابع

❖ تحتو للرابع حيز تحت العنكبوتي


((طريقة للحفظ فقط))


رح حفظكون ياهون بالصورة من فوق لتحت بتكتبو الأرقام 2_3_4

وبتخلو بيناتن فضى وبعدين بين 2 و 3 بتخطو فرجتا مونرو

و 2 بطينان جانبيين وفيما نربط فرجتا مونرو 22

بين 3 و 4 قناة سلفيوس (بالفصحى بين السالس والرابع سلفيوس سالس سلفيوس بشاركووا بالسين)





بنتذكرو لما أخذنا التراكيب يلي بتحمي الدماغ حكينا عن السائل الدماغى الشوكى وقلنا أنو بينوجد ضمن بطينات الدماغ وبعدين أخذنا هالبطينات هي تجاويف بالدماغ . شايفين الترابط طيب وهالسائل الشوكى الدماغى مهم شي؟؟ اي لكن مهم كتبير قلنا الو عدة وظائف حماية الدماغ وهيك وهاد السائل موجود بالبطينات والقنوات يلي بتربط هالبطينات أكيد

رح شبهلكون الموضوع خزان مي وأنابيب مي بتوصل مي عالبيت وهالأنابيب عمود فقري والخزان الدماغ والسائل الدماغى هو المي المهم فرضاً فرضاً يا استاذ هالأنابيب ولسبب من الأسباب انسدت مثلاً أو هالخزان امتلا مي عالخير ومافي تصريح جيد شو بصير هون عنا حالة مرضة اسمها الإستسقاء الدماغى ❤️


إذا تراكمت المي بالخزان ممكن ينفجر الخزان أو يتلف من الضغط ونفس الشى الدماغ . إذا تراكم السائل الدماغى الشوكى ببطينات الدماغ يزداد حجم البطينات وبالتالي اتلاف أنسجة الدماغ ، وزيادة سريعة في حجم الرأس ، يتبعه تخلف عقلى لدى الرضع .

قلتكون شو سبب الإستسقاء بس ما انتبهتو

عالمثال مو 😞

سببو : 1 انسداد جزئي يمنع التدفق الطبيعي للسائل الدماغى الشوكى المتجدد بين بطينات الدماغ .

2 فرط انتاج السائل الدماغى الشوكى بمعدل أسرع مما يمكن امتصاصه .



□□□

هلق رح نحكى عالمادة الرمادية والمادة البيضاء

أول الشى شو هي هالمواد (مو موجود تعريفون بالكتاب)

المادة البيضاء :

هي أحد المادتين المكونتين للجهاز العصبى المركزى (حيث تكون المادة الرمادية هي المكون الثانى) تتكون بشكل أساسى من خلايا دبقية ومحاور عصبية مغمدة بغمد الميالين (النخاعين) .

بما أنو المادة البيضاء هي مكونة من محاور عصبية مغمدة بالنخاعين (والنخاعين هو مادة دهنية فوسفورية لونها أبيض) ومن هون اكتسبت المادة البيضاء لونها . طيب وين بتتوجد ؟؟ ياسيدي بتتوجد بالدماغ والنخاع الشوكى

وبكل مكان بتتواجد فيه بشكل مختلف عن الآخر !! كيف يعنى ؟؟؟

يعنى المادة البيضاء بالمخ والمخيخ بتكون مركزية وهلق شوفو هالصورة والنخاع بتكون محيطية




هلق شو يعنى مادة رمادية

المادة الرمادية :


هي أحد العناصر الأساسية فى الجهاز العصبى المركزى تتكون من أجسام خلايا عصبية واسفنجيات العصبونات (بالإنجليزية : neuropil) (تغصنات ومحاور عصبية ميالينية ومحاور عصبية عديمة الميالين) وخلايا دبقية وشعيرات دموية محاورها شفنا أنو مجردة من النخاعين لهيك لونها أبيض 😊

بتكون المادة الرمادية بالمخ والمخيخ محيطية



لأنو بالمركز مادة بيضاء
وبتكون المادة الرمادية بالنخاع الشوكي مركزية
لأنو البيضاء محيطية 😊
هي الصورة كيف متوضعة المادة البيضاء
والمادة الرمادية بالمخ

هلق منجيب هالنخاع الشوكي ومنقطعو بشكل عرضي
شوفولي هالصورة (لاحظو توزع المادة البيضاء والمادة الرمادية بالنخاع الشوكي)



مقطع عرضي حقيقي في النخاع الشوكي

أول شي شو ملاحظ 😞
شايفين المادة الرمادية كيف متربعة بالمركز (شايفين كيف قاعدة لك الرياضيات لاحتكون
لهون 🤔) متربعة المادة الرمادية بالمركز بشكل حرف اكس X 🤔🤔)
وملاحظ أنو هالمادة الها فرنان كونو اكس 2 أماميان و 2 خلفيان انتبهولي القرون الأمامية
من تحت ها 😊
تعو نقارن بينون

القرنان الأماميان : عريضان وقصيران (مثل قطر ميز مصر لا قامة ولا خصر)

القرنان الخلفيان : (عكس الأماميان) ضيقان وطويلان

خلصنا من القرون هلق عنا شي اسمو ثلم (الثلم يعني شق صغير)

كمان عنا ثلمان أمامي وخلفي (الأمامي من تحت دوماً)

منقارن بينون

الثلم الأمامي : مثل الصورة عريض قليل العمق لا يصل إلى حدود المادة الرمادية .

الثلم الخلفي عكس الأمامي تماماً : ضيق وعميق يصل إلى حدود المادة الرمادية .

لحد هون شو مرق معنا !?

مرق ٤ قرون للنخاع الشوكي 2 أماميان و 2 خلفيان
ومرق 1 تلمين 1 أمامي و 1 خلفي
طيب هالقرون والأثلام شو ساوت ياترى شو شايفين عملت
قال قسمت المادة البيضاء ل 6 حبال (2 أماميان و 2 خلفيان و 2 جانبيين)



هلق بدي قلكن شغلة صغيرة أنو قناة السيساء شايفين وين موجودة؟؟
بمركز النخاع ونحن منعرف بالنخاع الشوكي مركزي؟؟ عنا مادة رمادية
يعني بمركز المادة الرمادية للنخاع الشوكي في قناة السيساء




هلق نعو نحكي شوي شغلات لازم نعرفها لأنو بتصادفنا بالحياة كتير أول شي خلونا نعرف
النخاع كونوا الناساعة عم نحكي عالزلمة أول شي النخاع الشوكي وين ساكن؟
وشو مكوناتو؟ ولوين بوصل ضمن القناة الفقرية؟؟
ساكن ياسيديا أنت بالقناة الفقرية

يعني مثل نبريج مي النبريج هو القناة

(أخواتي انتبهولي القناة الفقرية هي يلي على طول ضمرك)

(النخاع الشوكي بيتمد من راسك بفوت بالقناة الفقرية بس مولاخير بيضل ماشي مسافة
معينة بعدين ماعاد نشوفه ببقية القناة الفقرية)

النخاع الشوكي : حبل عصبي أبيض اسطواني الشكل عليه انتفاخان برقبي ، وقطني
يستدق النخاع الشوكي في نهايته السفلية مشكلاً المخروط النخاعي (بيجي موقع ها)



يتمد حتى مستوى الفقرة القطنية (الثانية)

وبعد هذه الفقرة فإن القناة الفقرية لاتحوي

بداخلها إلا على السحايا ، والسائل الدماغي الشوكي

ومجموعة أعصاب تسمى ذيل الفرس .

**أسمي الرباط الضام الذي يثبت النهاية السفلية للنخاع
الشوكي بنهاية القناة الفقرية؟؟ << الخيط الإنتهائي**

(وبدي قلكن شغلة أنو القناة الفقرية بتحوي سحايا

وسائل دماغي شوكي ونخاع شوكي لعند الفقرة

القطنية الثانية)

أهم هالمكونات هو النخاع الشوكي وإذا تعرض لأذية بسببنا شلل وشغلات كتبير لهيك يا أصدقائي في شي عنا اسمو البزل القطنية شو هاد البزل؟؟
البزل هاد ياسيدي أنو نحنا نطالع السائل الدماغي الشوكي لحتى نحللو يعني مندخل ابرة ومنسحب فيها

منين بدنا ناخذو؟ من القناة الفقرية أكيد

ياترى مناخذو من حيلة منطقة بالقناة الفقرية؟

لا أكيد قلنا النخاع مابدنا ياه يتأذى لهيك منبزل بعد الفقرة القطنية الثانية عرفتو ليش البزل بصير بعد الفقرة القطنية الثانية لأنو القناة الفقرية بعد الفقرة القطنية ال 2 مابتحوي نخاع شوكي وما منأديه .

طيب سؤال استاذ عم تقول ابرة وبدنا نسحب وهيك ما بتوجع مابتعمل مضاعفات؟؟

ياصديقي ابي أكيد في مضاعفات

أول الشئ ممكن يصير صداع أو ألم محل الإبرة ممكن أنو يصير عنا مثل كدمة محل الإبرة أو التهاب السحايا أو تسرب للسائل الدماغي .

طيب شو بفيدينا نحلل السائل الدماغي الشوكي؟ شو بفيدينا البزل يعني؟؟

أهم الأمراض التي نستخدم لتشخيصها البزل القطني هي الاستسقاء الدماغي والتهاب السحايا والنزف تحت العنكبوتي وأمراض مناعية ذاتية كالتصلب اللويحي المتعدد .

ماذا يشير وجود كريات الدم الحمراء واصفرار في السائل الدماغي الشوكي؟
يشير إلى وجود نزف تحت العنكبوتي .

ماذا يشير ارتفاع عدد خلايا الدم البيضاء في السائل الدماغي الشوكي؟
يشير إلى إصابة الجهاز العصبي بعدوى كالتهاب السحايا .

ماهي المضاعفات التي قد تحدث عند إجراء البزل القطني؟

الإحساس بالألم أو عدم الارتياح في مكان ادخال الإبرة

الإحساس بالصداع بعد سحب السائل

قد تتضمن المضاعفات الأندر تشكل كدمة أو تسرب للسائل الدماغي الشوكي أو التهاب السحايا .

ملاحظة ♥: # مقطع عرضي نخاع شوكي :

- ❖ ثلم خلفي عميق وضيق
- ❖ ثلم أمامي واسع وقليل العمق
- ❖ قرن خلفي طويل ورفيع
- ❖ قرن أمامي ثخين وقصير
- ❖ قناة السيساء مركزية في النخاع الشوكي
- ❖ القرون الأربعة والأثلثام تقسم المادة البيضاء لستة حبال
(حبال خلفيان وحبال جانبيين وحبال أماميان)



□ # ملاحظة_بيخربط_فيا_كثير □

- ❖ انتفاخات النخاع الشوكي رقبتي وقطني ☰
- ❖ يمتد النخاع الشوكي عند مستوى الفقرة القطنية الثانية 📝
- ❖ بعد الفقرة القطنية الثانية لا يوجد إلا سحايا وسائل دماغي شوكي ومجموعة أعصاب 🌐
- ❖ يحوي النخاع الشوكي :

✓ ثلم خلفي عميق وضيق 🌐

✓ ثلم أمامي واسع وقليل العمق 🌐

✓ قرن خلفي طويل ورفيع 🌐

✓ قرن أمامي ثخين وقصير 🌐

✓ قناة السيساء مركزية في النخاع الشوكي 🌐

هيك بكون أول درس خالص بكامل عدتو ♥♥

ملاحظات :

الكلمات التي بين قوسين إذا ما انكتبت بالفحص مابتأخذو علامة :

- تتوضع الخلايا العصبية الأولية عند هيدرية الماء العذب في (قاعدة) كل من الطبقتين الداخلية والخارجية (على جانبي) الهلأمة المتوسطة لجدار جسم الهيدرية .
- تمتلك الحشرات جهازان عصبيان هما جهاز عصبي مركزي وجهاز عصبي حشوي .

- ينشأ الجهاز العصبي عند الإنسان (خلال الأسبوع الثالث) وينفصل الأنبوب العصبي عن الوريقة الجنينية الخارجية في (نهاية) الأسبوع الرابع .
- تقع الغدة الصنوبرية (أمام) الحدبات التوئية الأربعة .
- العرف العصبي يشكل العقد العصبية .
- يربط بين نصفي الكرة المخية تركيبان من مادة بيضاء هما الجسم الثفني والقبو (مثلث المخ) .
- يوجد البطينين الجانبيين في كل نصف كرة مخية أما البطين الثالث بين المهادان أما البطين الرابع بين البصلة السيسائية والحدبة الحلقية والمخيخ .
- يمتد في (أرضية) البطين الجانبي الحصين بينما يوجد في (قاعدة) البطين الجانبي الجسم المخطط بينما يشكل أرضية البطين الثالث (المهاد) .
- سبب الاستسقاء الدماغي هو انسداد (جزئي) في أحد القنوات الناقلة للسائل الدماغي الشوكي تيمنع التدفق الطبيعي للسائل الدماغي الشوكي (الملتحد) بين بطينات الدماغ أو قد يكون سببه فرط إنتاج السائل الدماغي الشوكي بمعدل (أسرع) مما يمكن امتصاصه .
- وظيفة الخيط الإنتهائي أو الرباط الضام يثبت (النهاية السفلية) للنخاع الشوكي ب (نهاية) القناة الفقرية .
- التلم الخلفي للنخاع ضيق وعميق أما القرن الخلفي ضيق وطويل .
- التلم الأمامي للنخاع متسع قليل العمق أما القرن الأمامي متسع قصير (الأمامي عكس الخلفي) .
- ينتهي النخاع الشوكي في مستوى الفقرة القطنية اليانية بينما يتم إجراء تمليات البزل القطني (بين) الفقرة القطنية الثالثة الرابعة .
- أهم الأمراض التي نستخدم لتشخيصها البزل القطني هي الاستسقاء الدماغي والتهاب السحايا والنزف تحت العنكبوتي وأمراض مناعية ذاتية كالتصلب اللويحي المتعدد .


الدرس الثاني : النسيج العصبي

هلّق بالبداية عرفنا عنوان الدرس يلي هو النسيج العصبي
طيب شو هاد النسيج !؟

بشكل عام أي نسيج مؤلف من مجموعة خلايا
وهالنسيج العصبي كمان مؤلف من خلايا بس هالخلايا بتتواجد باجهاز العصبي نصنفها
لنوعين من حيث الوظيفة طبعاً :

- ١_ **خلايا عصبية (منقلا عصبونات)** : وظيفتها تتنبه وتنقل التنبيه .
 - ٢_ **خلايا دبقية** : وظيفتها دعم الخلايا العصبية وحمايتها وتغذيتها .
- مثل الأم وبننا الأم هي الخلايا الدبقية وبننا الخلايا العصبية الأم بتحمي بنتها وتغذيها الخ ..
- طيب شو مكونات هالخلية العصبية وشو أقسامها :**
- 1_ **استطالات هيولية** : (بتكون هيكل من فوق مثل غصون الشجرة)
 - ٢_ **جسم الخلية** : (بتحتوي نواة كبيرة وسيتوبلازما بتحتوي معظم عضيات هالخلية والو دور بالإستقلاب والتغذية)
 - ٣_ **محوار** : بنهايتو تفرعات نهائية بنهايتها أزرار .

Neuron الخلية العصبية



في عنا فكرة مهمة عن هالعصبونات (الخلايا العصبية)
هلّق كل جسمنا عنا خلايا مثلاً خلايا كبدية وخلايا قلبية ... الخ
شو الفرق بين الخلية العصبية والخلايا الثانية ؟؟
الفرق هو شغلتنين

الأولى : الخلية العصبية مافيهها جسيم مركزي
طيب استاذ شو بفيد الجسيم المركزي ؟؟
بفيد يا صديقي بانقسام الخلية وتعويض الخلايا التالفة

طيب استاذ إذا مافيهها جسيم مركزي شو بصير

ياصديقي إذا مافيهما جسيم مركزي يعني ما عندها القدرة على الإنقسام يعني شو يعني التالف منها لا يعوض يعني الخلايا العصبية عند الإنسان في تناقص مستمر 😊

علل الخلايا العصبية عند الإنسان في تناقص مستمر؟

لأن التالف منها لا يعوض إذ أنها فقدت قدرتها على الإنقسام لغياب الجسيم المركزي .

طيب شو الشغلة الثانية الي بتتميز فيها الخلية العصبية

ياصديقي انت الشغلة الثانية هي انو فيها تراكيب خاصة ما بتتوجد الا بالخلية العصبية شو هالتراكيب !؟؟

عنا تركيبين خاصات :

١_ جسيمات نيسل :

تعريفها : تجمعات من الشبكة السيتوبلاسمية الداخلية الخشنة والريبوزومات الحرة التي تحوي

على RNA

وظيفةها : لها دور في تركيب بروتينات الخلية .

موقعها : في جسم الخلية العصبية والاستطالات الهيولية وتنعدم بالمحوار .

أخذنا أجزاء الخلية العصبية فوق

٢_ الليفات العصبية :

تعريفها : تشكيلات خيطية دقيقة .

موقعها : توجد في جميع أقسام العصبون وتتوضع بشكل مواز في المحوار .



تعو نركز حالنا شوي

أول الشي تعرفنا على الخلية العصبية (العصبونات)

وبدي خبركن خبرية أنو أي خلية بالعالم بتحوي نواة وعضيات والخ ...

تاني شي أقسام الخلية العصبية (استطالات هيولية _ جسم الخلية _ محوار)

سهلين كتبير

++ الفكرة الذهبية أنو قلنا العصبونات بتنقل التنبيه وبتتنبه صح؟؟

طيب كيف بتنقل التنبيه

بتنقلو هالخلية العصبية لخلية تانية عصبية وهيكل للدماغ يعالج المعلومات

وبعدين بيبعث أوامر الحركة

طيب ضمن الخلية العصبية النقل مستقطب

شو يعني؟؟

يعني ياصديقي أنو بصير باتجاه واحد يلي هو من الاستطالات للجسم للمحوار .

بالمحوار قلنا آخر هالمحوار تفرعات نهائية وبآخر هالتفرعات أزرار بقلب هالأزرار عنا

نواقل كيميائية عصبية

هالنواقل هي يلي بتفيد بنقل التنبيه يعني

في سؤال بتتذكرو الاستطالات شكلها مثل غصون الشجر وكثيرة وكثيفة

علل الاستطالات الهيولية كثيرة العدد؟؟

لتزيد مساحة السطح المستقبل للمنبهات والسيالات العصبية أو لتحقق أكبر قدر من امكانية الالتقاء بالعصبونات الأخرى .

سؤال كيف يتشكل المشابك؟

تتواصل نهايات المحوار مع _ خلية عصبية ثانية

أو خلية مستجيبة (كالخلايا الغدية)


أو عضلية

عبر المشابك

مثل لما يتصافحوا حدا ايديكون بشبكو ببعض

هالخلايا العصبية تصنف حسب شغلتين (شكل الخلية ، حسب وظيفتها)

١_ كيف تصنف حسب الشكل وأين توجد؟؟



كيف منحاول نحفظ؟؟

أحادي القطب عقد شوكية بصمها

ثنائية القطب << مو ثنائي يعني 2 ونحنا عنا عينتين وانفين (٧) (٧) في شبكية العين والبطانة الشمية .

متعددة القطبية << بأهرامات بوركينج (٧) وضل نجمياً بالقرون

عديمة المحوار << مثل الكراش عديم احساس يعني العديمة بأعضاء الحس (الحواس)

تصنيف العصبونات حسب الوظيفة وأين توجد؟؟



طيب تعو نحكي كم شغلة مهمين **

- شكل الخلية العصبية أحادية القطب حرف T لأنها يخرج منها استطالة هيولية واحدة تنتشعب بعد خروجها إلى استطالتين أحدهما محوار والأخر استطالة هيولية .
- توجد الخلايا العصبية أحادية القطب الحسية في (العقد الشوكية) .
- توجد الخلايا العصبية ثنائية القطب في البطانة الشمية (خلايا شولتز) وشبكية العين (عصى ومخاريط) .
- توجد الخلايا العصبية عديمة المحوار في الدماغ وبعض أعضاء الحواس (كالخلايا الأفقية والمقرنية في شبكية العين) .

مقارنة بين عصبونات العقد الشوكية وعصبونات القرون الأمامية للنخاع الشوكي من حيث الشكل والوظيفة :

1_ عصبونات العبد السوكية :

شكل : أحادية القطب

وظيفة : حسية

2_ عصبونات القرون الأمامية :

شكل : متعددة القطبية (نجمية)

وظيفة : حركية




تعريف الليف العصبي : محور أو استطالة هيولية طويلة قد يحاط بأغمد (الأغمد إما غمد النخاعين أو غمد شوان أو النخاعين وشوان).

ما هي وظيفة غمد النخاعين ؟

غمد النخاعين :

- 1 - يعزل الألياف العصبية كهربائياً .
 - 2 - يزيد من سرعة السيالة العصبية .
- غمد أبيض لامع يكسب المادة البيضاء لونها ، يتركب من مادة دهنية فوسفورية تسمى : السفينغوميلين ، يحيط ببعض الألياف العصبية ، ثخانتة منتظمة ، اذ يتقطع على مسافات متساوية باختناقات رانفية التي تحدد قطعاً بين الحلقية بطول 1 ملم وقد تخرج من الاختناقات الرانفية امتدادات جانبية للمحور .



غمد النخاعين مثل سلك الكهربا

ملاحظ لونه أبيض والسلك مغطى بالبلاستيك الأبيض

هالبلاستيك عازل للكهرباء ونفس الشيء وظيفة غمد النخاعين .

وظيفة غمد النخاعين :

يعزل الألياف العصبية كهربائياً _ يزيد من سرعة السيالة العصبية .

كيف ينشأ غمد النخاعين ؟؟

الو مكانين للنشوء ينشأ إما من الجهاز العصبي المركزي أو الجهاز العصبي المحيطي .

1_ جهاز عصبي مركزي : بدءاً من خلايا الدبق قليلة الاستطالات .

2_ جهاز عصبي محيطي : بدءاً من خلايا شوان .

تعريف غمد شوان :


غمد هيولي رقيق شفاف يحوي نواة عديدة ، نواة في كل قطعة بين حلقية ، يبقى وحده في اختناقات رانفية .

وظيفته : له دور في مساعدة الألياف العصبية المحيطية على التجدد بعد انقطاعها .

تعريف الأعصاب :

حبال بيض لامعة اللون مختلفة الأطوال والأقطار تتألف من تجمع حزم من الألياف العصبية .

هلق تعو نصنف الألياف العصبية حسب الغمد يلي بغمدها :




كيف منحفظ ؟!

فقط النخاعين بالعينين << يعني بغطي النخاعين العصب العيني والمادة البيضاء .

شوان فقط << شمسي (مشتركين بحرف الشين)

المادة الرمادية عارية يا حرام .

الباقي بصم (70)
 نتذكرو أول درس ذكرنا شي اسمو خلايا الدبق العصبي
 وقلنا هي من مكونات النسيج العصبي
 هلق نتو نتعرف عليها (جدول عام جداً)



تسهيل للحفظ :

أول الشي بالنسبة لغمد النخاعين
 قال بالجهاز العصبي المركزي بيتشكل من خلايا الدبق قليلة الاستطالات .
 وبالجهاز العصبي المحيطي بيتشكل من خلايا شوان .
 شوفولي كمان عالصور :



هلق عنا شغلة لازم نعرفها :

الضفيرة المشيمية : طيات دقيقة من الأم الحنون تبرز في بطينات الدماغ الأربعة (بطينين جانبيين ، والبطين الثالث والرابع) غنية بالأوعية الدموية تغطيها خلايا البطانة العصبية .

الحاجز الدماغي الدموي barrier brain _ blood :

يتألف من نهايات المتوسعة لبعض استطالات خلايا الدبق النجمية (الأبواق الوعائية) والأوعية الدموية المرتبطة بها ، ويحمي الدماغ من المواد الخطرة التي قد تأتي مع الدم . هالحكي منعرفو من الدرس الأول

هلق خلونا نعمل شوية ملاحظات على الدرس :

- الخلية العصبية لا تنقسم بسبب (عدم) وجود جسيم مركزي .
- التراكيب الخاصة بالخلية العصبية هي جسيمات نيسل والليفات العصبية .
- جسيمات نيسل تجمعات من الشبكة السيتوبلاسمية الداخلية (الخشنة) والريبوزومات الحرة توجد في جسم الخلية والاستطالات الهيولية فقط لها دور في تغذية الخلية العصبية (عن طريق تركيب بروتينات الخلية) .
- الليفيات العصبية توجد في جميع أقسام العصبون وتتوضع (بشكل مواز) في المحوار .
- شكل الخلية العصبية أحادية القطب حرف T لأنها يخرج منها استطالة هيولية واحدة تنتشعب بعد خروجها إلى استطالتين أحدهما محوار والأخر استطالة هيولية .
- توجد الخلايا العصبية أحادية القطب الحسية في (العقد الشوكية) .
- توجد الخلايا العصبية ثنائية القطب في البطانة الشمية (خلايا شولتز) وشبكية العين (عصي ومخاريط) .
- توجد الخلايا العصبية عديمة المحوار في الدماغ وبعض أعضاء الحواس (كالأخلاق الأفقية والمقرنية في شبكة العين) .
- غمد شوان له دور في تجدد الألياف (المحيطة وليس المركزية) بعد انقطاعها .
- المادة الرمادية تحوي ألياف عصبية عارية أما المادة البيضاء تحوي ألياف عصبية مغمدة بالخناطين فقط .

- العصب البصري مغمد بالنخاعين (فقط) أما العصب الشمي مغمد بشوان (فقط) لذلك سرعة نقل السيالة العصبية في العصب البصري أسرع في العصب الشمي .
- خلايا الدبق العصبي كثيرة العدد صغيرة الحجم مقارنة مع الخلايا العصبية .
- خلايا الدبق في الجهاز العصبي المركزي : خلايا الدبق الصغيرة (مناعية) وخلايا الدبق قليلة الاستطالات (تشكل غمد النخاعين) وخلايا البطانة العصبية (تفرز السائل الدماغي الشوكي) بالإضافة للخلايا النجمية .
- خلايا الدبق في الجهاز العصبي المحيطي : شوان (تشكل غمد النخاعين) والساتلة تحيط (بجسام) العصبونات في العقد العصبية .
- الضفيرة المشيمية طيات من الأم (الحنون) موقعها : (تبرز في) بطينات الدماغ الأربعة تغطيها خلايا الدبق (البطانة العصبية) .
- يتكون الحاجز الدماغي الدموي من الأبواق الوعائية والأوعية الدموية المرتبطة بها .
- عدد الاستطالات الهيولية (يختلف حسب كل عصبون) أما المحوار مفرد دوماً وقد يكون غائب .

● ملاحظة خطيرة 🚨🚨 :

بالدرس الثاني عنا رسمتين ممكن يكونو ارسم :

1_ رسمة الخلية العصبية .

2_ صنف العصبونات شكلياً بالرسم (بنرسم شكل لكل صنف ومنسميه) أما إذا كان مخطط أو مقارنة لا داعي لرسم شكل العصبونات .

انتهى الدرس الثاني

الدرس الثالث : الجهاز العصبي المحيطي (طرفي)

أول سؤال رح نسألو لحالنا شو يعني جهاز عصبي محيطي (طرفي)
الجواب من الاسم هو أي بنية عصبية بتوقع خارج القحف والقناة الفقرية .
طيب شو في بنى بتوقع خارج القحف (الدماغ) والقناة الفقرية
ياسيدي انت في عنا عقد عصبية وفي أعصاب 😊
طيب تعو نبش فيهن وحدة وحدة

١_ العقد العصبية :

تعريف : بنى تحوي تجمعات أجسام العصبونات وخلايا دبقية .
منشأ العقد : من العرف العصبي أخذناها بالدرس الأول مدعومة بنسيج ضام .
وظيفة العقد : محطات استقبال وارسال للسيالات العصبية .
سؤال شو نوع الخلايا الي بتدخل ببنية العقد العصبية ؟؟
الخلايا التابعة (الساتلة) أخذناها بالدرس الثاني آخر جدول
طيب شو أنواع هالعقد ؟؟

عنا يا حبايب ٣ أنواع

١_ عقد قحفية : على الأعصاب القحفية (الدماغية)
(لسا بقولو العلوم صعبة 🤔)

٢_ عقد شوكية : على (الجذر الخلفي الحسي) للعصب الشوكي

٣_ عقد ذاتية : (مستقلة لا ارادية) يعني من اسمها ذاتية الشغل يعني مستقلة

وهي العقد الذاتية نوعين عقد ودية وعقد نظيرة الودية 🍷❤
رح نحكي عليهم بالتفصيل بدرسنا هاد

٢_ الأعصاب (المكون الثاني للجهاز العصبي الطرفي) :

عنا تصنيف للأعصاب

أ_ حسب المنشأ : وبتصنف ل (دماغية _ شوكية)

★ الدماغية (يلي بالرأس يعني) :

عددها : ١٢ شفع (شفع يعني زوج بالعربي ١٢ شفع يعني ١٢ زوج يعني ٢٤ عصب)

★ شوكية (بالنخاع الشوكي) :

عددها ٣١ شفع (٦٢ عصب يعني)

ب_ حسب الوظيفة : (حسية _ حركية _ مختلطة)



قال العصب الشوكي عرفته قال مؤلف من جذرين شو هالجذرين؟؟ وشو وظيفة كل جذر؟؟

_ جذر خلفي حسي

(وظيفته تمر فيه السيالة العصبية القادمة من المستقبلات الحسية إلى الجهاز العصبي المركزي) .

_ جذر أمامي محرك :

(وظيفته تمر فيه محاور العصبونات المحركة التي تنقل السيالة العصبية المحركة من الجهاز العصبي المركزي إلى العضلات والغدد لتحفيز استجابة) .

طيب كيف منميز هالجذرين

سهلة الجذر الخلفي الحسي فيه عقد شوكية

مو قلنا عنا العقد الشوكية بالأعصاب الشوكية حصراً بالجذر الخلفي ..

من شان ريكون تخيلو معي

أنو انت عم تشرب مئة قام وقع الابريق عايدك وانكبت عايدك مي غليانة قام انت سحب ايدك

بسرعة وحطيتا تحت المي الباردة

طيب كيف صارت القصة

عندك بالايدي مستقبلات حسية لما انكبت المي الساخنة تنبعت وبعنت التنبيه عبر الأعصاب

عالجهاز العصبي المركزي (يعني يا الدماغ يا النخاع الشوكي)

هالتنبيه بلش من عند المستقبلات تشكلت سيالة عصبية حسية وانتقلت هالسيالة العصبية

الحسية عبر الجذر الخلفي للنخاع الشوكي (لأنو الجذر الخلفي للنخاع الشوكي حسي)

وبعدين راح عالجهاز العصبي المركزي طيب قال لحالو الجهاز العصبي المركزي لازم

ابعت رسالة لعضلات ايدي لحتا اسحب ايدي وحطها تحت المي الباردة .

بعث رسالة عصبية (سيالة) محرقة مشان حرك ايدي

انبعتت الرسالة المحركة من الجهاز العصبي بعدين عالجذر الأمامي للنخاع الشوكي (قلنا

الجذر الأمامي محرك) وراحت عالعضلات وقالتلا يلا حركي حالك وسحبي ايد هالشب

وحطيتها تحت المي الباردة .

الجهاز العصبي المركزي هو الدماغ والنخاع الشوكي مو صح؟؟ أخذناها بالدرس الأول

دائماً الحركات اللارادية أغلبها بكون مسؤول عنها النخاع الشوكي يعني هون بالمثال الجهاز

العصبي المسؤول عن حركاتنا اللارادية هو النخاع الشوكي .



الجهاز عصبي الذاتي : (ذاتي يعني شغلو مستقل ذاتي اوتوماتيك)

(يعني المسؤول عن الحركات اللاشعورية واللارادية مثال التحكم بضربات القلب حسب

الظروف مثلاً كمان حدقة العين الجهاز الهضمي الجهاز التنفسي الخ ...)

الجهاز العصبي المستقل :

من اسمو مستقل يعني مستقل عن الارادة بيثمل هالجهاز قسمين مهمين هنن

أ_ القسم الودي 🐯

ب_ القسم نظير الودي 🏠

ملاحظة : كل عضو بجسمنا مزود بعصب ودي وعصب نظير الودي إلا حالات شاذة يعني

في أعضاء ما بتتزوج إلا بعصبونات ودية بس وفي أعضاء فقط بتتزوج بعصبونات لا ودية

حسب الظروف والحالة بقا بتنشط العصب أو بتثبط

رح أعطي مثال صغير وبعدا بلش شرح مفصل

القلب مزود بعصبونات ودية وعصبونات نظيرة ودية هلق بحالة الخطر والخوف يكون

العصبون الودي شغال وهو يلي بزيد ضربات القلب

وبحالة الراحة والاسترخاء يكون العصب نظير الودي فعال وهو يلي ببطئ ضربات القلب

لحتى نحفظ كل عضو شو بصير فيو شوفوا الشرح 🙌🙌

منحكي أول شي عن القسم الودي 🐯🐯

هاد القسم بتنشط بأوقات الخطر والخوف أو التوتر مثلاً لما منشوف أسد قدامنا بالطريق

وقريب مننا أو مثلاً طلعنا نلقي قصيدة قدام رفاقنا ف بيتفعل القسم الودي أوقات الخطر

أو التوتر وأكبر مثال عأوقات الخطر الكبير بتكون ماشي مع رفيقك بالطريق وفجأة بتطلع

قدامك الكراش 🤔😬❤️

وهون بتوسع عيونك لتشوفها أكثر (تتوسع حدقة العين) بينشف ريقك (تثبيط إفراز اللعاب)

بتزيد ضربات قلبك (تسرع ضربات القلب) بتنسى الأكل والشرب (تثبيط مفرزات المعدة)

بصير بدك طاقة أكثر (بتحرر الغلوكوز من الكبد) وبتتثبط مفرزات البنكرياس

والمثانة هون بتسترخي يعني تثبيط البول (انتبهوا مو يعني إذا استرخت المثانة يعني انت

مرتاح لا استرخاء المثانة يعني مارح يصير تبول)

طبيعي إذا في تثبيط للمعدة

والأمعاء أكيد مافي بول و غائط .



عزيزي الطالب انت أمام جمال

الكراش فأكيد رح يصيبك هيك 😬

القسم الودي 🙌🙌

الحدقة بس شوف الكراش

مثال آخر هام جداً للقسم الودي : بتكون ماشي بالشارع وبوقفك حرامي وبرفع مسدسو عليك هون انت بيتفعل عندك القسم الودي طبيعي جهازك الهضم بتنشط يعني أكيد واحد رافع عليك مسدس مارح يشتغل جهاز الهضم ويبلش هضم
 + الكلية بتنشط يعني ما بقا عندك تصنيع للبول يعني مافي تبول وطالما جهاز الهضم واقف أكيد ما عندك براز رح يتشكل
 والدم بيتحول من هالأعضاء يلي تثبنتت وبروح عالعضلات الهيكلية (عضلات الجريات والدييات مثلاً) مشان يجهزك لتركض أو تعمل أشياء حركية
 يعني الدم بتحول عالعضلات الهيكلية مشان يخليك تكون جاهز لتركض
 + بصير بدك طاقة لتركض أو تكون حذر منو للحرامي لهيك بتنشط تصنيع الغلوكوز من الكبد .

في فكرة أنو البنكرياس بفرز أنظيمات بتساعد بالهضم وطالما الهضم متثبط فالبنكرياس متثبط بحالة الودي كلو تم نحكي .

ملاحظة حلوة ولطيفة من شان تتوسع معارفكون :

في ناس بتقلق أنو أنا إذا شفت حرامي أو تفرجت على فلم رعب أو أو (يعني قسمك الودي بكون شغال) قال ممكن مثلاً تتبول عحالك مثل الطفل إذا فرجيتو شي برعب بتبول عحالمو وكيف انت عم تقلي بيتنشط تصنيع البول .

الجواب : اي صح مافي أبداً تصنيع للبول بس الجسم أحياناً بس يشعر بالخطر يقوم بعمل إفراغ تلقائي للمثانة إذا كان فيها بول موقلتكن البول بيتصنع بالكلية وبروح عالمثانة يتخزن لحتى نحنا نفوت عالحمام هي بشكل عام
 انت ما عندك تصنيع للبول بس البول القديم بالمثانة متصنع وجاهز يقوم الجسم بتعمل إفراغ تلقائي لحتى يخفف قدر الإمكان من أي وزن بالجسم مشان نقدر نركض بسرعة أو نعمل حركات بسرعة أكبر هي أضف لمعلوماتك مانك مطالب فيها بس حقك تعرفها .

منجي عالقسم نظير الودي :

يعني قسم الراحة والاسترخاء

هاد القسم مسؤول عن الراحة يعني كلشي صار معك وقت شفت الكراش بصير عكسو 🔄
 انتبهو هون بنتقلص المثانة يعني بتنشط إفراز البول



مشان النواقل العصبية :

عنا ٣ مناطق بدنا نعرف شو الناقل العصبي يلي فيها بكل قسم (ودي أو نظير ودي)
 ١_ الياف قبل العقدة 2_ العقدة نفسها 3_ الياف بعد العقدة

احفظوا معي بحالة الراحة يعني انت مسترخي معلم ومرتاح وقسمك نظير الودي شغال
 بحرر الناقل العصبي الاستيل كولين بكل المناطق
 قبل وبعد العقدة استيل كولين

بس إذا كان في خطر يعني ودي شغال

ببحرر النور ادرينالين (نور انبرفين) بالالياف بعد العقدة والباقي استيل كولين
 يعني بس بحالة القسم الودي فقط بالمنطقة بعد العقدة ببحرر نور ادرينالين .



طيب سؤال هالعقدة الودية كيف بترتبط مع العصب الشوكي يلي بجاورها؟؟
 موقلنا العقد الودية على جانبي العمود يعني قريبة من الأعصاب الشوكية

الجواب : ترتبط من خلال المسلك العصبي الودي

بترتبط بفرعين _ فرع واصل أبيض _ وفرع واصل رمادي

يوجد عصبون نابذ قبل العقدة ، يخرج ليفه من الجهاز العصبي المركزي (من القرن في العقدة
 الودية مع عصبون حركي يقع الجانبي للنخاع الشوكي) ، ويتشكل مشبكاً في العقدة الودية ،
 مع عصبون حركي يقع جسمه في العقد الودية وينتهي ليفه العصبي إلى العضو المستجيب .

**مقارنة بين الجهاز العصبي الجسمي والجهاز العصبي الذاتي**

قبل ما نقارن بدنا نعرف شو هو الجهاز العصبي الجسمي عن شو مسؤول

قال هو الجزء من الجهاز العصبي المحيطي الذي يتحكم في الإحساس البدني (الشعوري) ،
 والعضلات الهيكلية (الإرادية) يعني مسؤول عن الحركات الإرادية

الجهاز العصبي الذاتي	الجهاز العصبي الجسمي	
عصبونين	عصبون واحد	عدد العصبونات الصادرة عن كل منهما إلى الخلايا المستجيبة
العصبون الأول يقع جسمه في المركز العصبي الذاتي والثاني يقع جسمه في العقد الذاتية	يقع جسمه في القرن الأمامي للنخاع الشوكي	موقع جسم كل عصبون



طيب شوية ملاحظات :

- الجهاز العصبي المسؤول عن التغيرات التي نتعرض لها من حالات قلق وتوتر هو الجهاز العصبي المحيطي بما يشمله من مكونات .
- العقد ثلاثة أنواع : عقد دماغية على الأعصاب الدماغية (القحفية) وعقد شوكية على الجذر الخلفي للعصب الشوكي وعقد ذاتية (ودية ولا ودية) .
- الجذر الخلفي (الحسي) للنخاع عليه عقدة شوكية أما الجذر الأمامي (المحرك) لا يحوي عقد شوكية .
- المراكز العصبية الودية في القرون الجانبين للنخاع النمطتين الظهرية والقطنية بالإضافة للوطاء (هاد موقع العصبون الأول) يخرج ليف قبل العقدة من العصبون الأول ليصل إلى العقدة الودية (إما لب الكظر أو على جانبي العمود الفقري) حيث يوجد جسم العصبون الثاني .
- الأعصاب الشوكية الحوضية و العصب الدماغى المجهول هم أعصاب نظيرة ودية (يعني كلشي بيعملو نظير ودي هنن بيعملوه كمان) .
- تأثير العصب العاشر أو الحوضى على : المثانة (يقلصها) الغلوكوز (يخزنه) الحديقة (يضيقها) القلب (ببطئه) ...
- ترتيب طريق المسلك الودي :
يوجد عصبون (نابذ) أول في القرن الجانبى للنخاع يخرج ليفه إلى العقدة الودية ليتشابك مع عصبون (محرك) في العقدة الودية يصل ليفه إلى العضو المستجيب .
- الناقل العصبي الذي يتحرر في العقد الودية ونظيرة الودية (العقد الذاتية أو المستقلة) هو استيل كولين Ach
- الناقل العصبي الذي يتحرر بين الخلايا العصبية والخلايا المستجيبة في القسم الودي في معظم الحالات وليس جميعها انتبهوا (النور ادرينالين) أما في القسم نظير الودي (استيل كولين) .

- يحزر الجهاز العصبي الودي إلى لب الكظر استيل كولين (لأن لب الكظر هو عقدة وكلشي عقد بتحرر استيل كولين) .
- الألياف الودية ونظيرة الودية قبل العقدة مغمدة بالنخاعين بينما بعد العقدة مجردة من النخاعين .
- كلشي خوف وقلق وتوتر وبدون استعداد معناتا الجهاز المسيطر هو الجهاز العصبي الودي .
- كلشي راحة طمأنينة ريلاكس معناتا الجهاز المسيطر هو الجهاز العصبي نظير الودي .
- لب الكظر يتم تزويده بألياف من الجهاز العصبي الودي فقطط .
- الغدة الدمعية يتم تزويدها بألياف القسم نظير الودي فقطط .
(لسهولة الحفظ : نظير يعني نظر يعني عيق 🙄) والغدة الدمعية بالعين يعني الغدة الدمعية ما بنتزود إلا بألياف نظيرة ودية) .
- ❖ المرضي أثناء نوبة الربو يتم إعطائهم نورادرينالين لتوسيع الطرق الهوائية لديهم .

انتهى الدرس الثالث

الدرس الرابع : خواص الأصعاب

تعو انحكيلكون هالتجربة بس هالمرة التجربة على ضفدع مو على فأر 🐘❤️
اي شو عملوا زملائنا الأطباء ...
جابوا ضفدع عادي طبيعي ... خدروه وراحوا لعند فخذ هالضفدع عملو شق صغير ومنعرف
انو الفخذ الو عضلتين
باعدو بين هالعضلتين وطلعوا العصب الوركي (تذكرتو صالح بضيعة ضايعة)
وين بنتهي هالعصب؟؟ بنتهي هالعصب في العضلة الساقية
البطنية تحت عضلات الفخذ في عضلة ساقية بطنية
اي المهم جابوا هالعصب ونكزوه (نبهوه) (وخذوه) ... الخ (بتنبيه مناسب)
بعد ما نبهوا هالعصب (بتنبيه كافي) لاحظوا العلماء انو العضلة الساقية البطنية تقلصت
واستجابت لهاد التنبيه يعني عطت ردة فعل ...
وصلنا لرأس الخيط طيب سو اكتشفوا بعد هالتجربة !؟؟؟
اكتشفوا اكتشاف خطير

يؤدي تنبيه العصب الوركي إلى تقلص العضلة الساقية البطنية
يعني الأعصاب الها ميزتين أو خاصيتين مهمات

1_ بتنبيه 2_ بتنقل التنبيه

وهالشي مبين من التجربة

□□□



هلق نحنا عرفنا انو الأعصاب بتستجيب للمنبهات تمام من خلال التجربة السابقة
طيب قالو العلماء تعو لنعمل تجربتين لنتأكد من بعض المفاهيم
👉 قاموا أول تجربة بتثبيت زمن التنبيه وبلشوا يزيديا شدة التنبيه شوي شوي يعني الزمن
هون ثابت بس عم نزيد الشدة تبعه التنبيه شوي شوي
بالبداية حطينا شدة خفيفة لاحظنا ماصار تنبيه
زدنا الشدة شوي كمان ماصار تنبيه
زدناها لعند حد معين قام تقلصت العضلة الساقية البطنية
واكتشفنا اكتشاف عظيم يلي هو انو لما ثبتنا زمن التنبيه ورفعنا الشدة لحد معين صار في
تنبيه

ومو بس هيك واكتشفنا انو التنبهات الضعيفة لاتقوى على توليد دفعة عصبية (سيالة)
ورح نسمي المنبه يلي (ما) صار عندو تنبيه للعضلة رح نسميه منه دون عتبوي لأنو
ماصار تنبيه

ومن خلال التجربة استنتجنا تعريفين :

التعريف الأول : المنبهات دون العتبية :

وهي التنبيهات الضعيفة التي لا تقوى على توليد دفعة عصبية (سيالة) .

التعريف الثاني : الشدة الحدية :

هي الشدة التي تكفي لتوليد الدفعة العصبية والتقلص العضلي خلال زمن تأثير معين .

والمنبه بالشدة الحدية شو بكون ؟؟ بكون منبه عتبوي يعني وصل لحد عتبه التنبيه

👉 هلق لسا ما خالصنا لسا في التجربة الثانية يلي قاموا فيها

بال بما انو بالبداية ثبتنا زمن التنبيه وزدنا الشدة شوي شوي هلق رح نشغل بالعكس ونثبت

الشدة ونزيد الزمن شوي شوي

قام بالبداية مثلا فرضاً حطو شدة لنفرض مفدارها 1 (فرضاً)

خلال 2 ثانية لاحظوا انو العضلة ماصار فيها تنبيه

رفعوا المدة ل 3 ثواني وانتظروا .. بكم ان العضلة لسا ماصار فيها تنبيه

اجينا رفعنا ل 5 ثواني (كل الأرقام فرضية) وانتظروا ... لاحظو العضلة تقلصت

خلال 5 ثواني

شو استنتجنا ياحلويين ؟؟

قال الأزمنة القصيرة ما تشكل عندها تنبيه ولما زدنا الزمن صار تنبيه رح نسمي هالزمن يلي

كان كافي لتوليد دفعة عصبية (الزمن مفيد)

هلق تعو نعرفوا

الزمن المفيد : هو الزمن الازم لحدوث التنبيه في نسيج ما إذا كانت شدة المنبه تساوي العتبة

الدنيا أو تزيد . ودونه تصبح تلك الشدة غير فعالة .



□□□

خلال هالتجارب عندي سؤالين

الأول شو هاد المنبه ؟ الثاني شو طبيعة هالمنبهات ؟؟

المنبه : هو كل تبديل في الوسط الداخلي أو الخارجي ، يكون تأثيره كافياً لإزاحة المادة الحية

من حالة استتبابها (وضعها الأمن أو الوضع الطبيعي) السابقة إلى حالة جديدة

(الحالة المثارة) .

👉 رح نصنف المنبهات ل آلية _ حرارية _ اشعاعية _ كيميائية _ كهربائية ..

يعني بجوز نعمل تنبيه بالحرارة أو بالكهربا أو مثلاً منستخدم مادة كيميائية حمض معين

فرضاً أو أساس أو الخ ...

بس أفضل شي المنبهات الكهربائية لعدة أسباب

أولها انو متوفرة بين دياتنا (بلعوها صح ٧ بلمعة صارت الكهربا بس معلش)

ثاني شي أقل ضرر عالأنسجة

تالت شي فينا نتحكم بشدتها وزمن تأثيرها 😊



□□□

هلق عالفقرة يلي الكل منتظرها ...

العلاقة بين الشدة والزمن :

لفهم طريقة حل الجداول بسهولة يجب أن نفهم هذه الطريقة لحدوث تنبيه في نسيج ما يجب أن يتوافر شرطين هما زمن مناسب وشدة مناسبة لا يحدث تنبيه بدون زمن مناسب وكافي ولا يحدث تنبيه بدون شدة مناسبة وكافية طيب معناها عنا تعريفين

١ - **العتبة الدنيا (الريبواز) :**

هي (شدة) محددة لا يحدث من دونها أي تنبيه مهما طال زمن التأثير .

٢ - **زمن الاستنفاد :**

هو (زمن) محدد لا يحدث من دونه أي تنبيه مهما ارتفعت شدة المنبه . أي لكل زمن شدة تقابله

بس العلاقة عكسية : عند زيادة شدة التنبيه يتناقص زمن التأثير ... طبيعي .. مثلاً (ابريق المته بدو ليسخن عنار واطية بدو 10 دقائق إذا حطيناه عنار أعلى وأكبر بضل بس 5 دقائق)

شهيتك
عالمته مو

كيف بدنا نحل الجداول والرسم البياني

يجب أن تقابل كل شدة زمن مناسب لها لحدوث تنبيه

متى ما شفتوا الريبواز (أقل شدة) (يقابله) لزمن المفيد الأساسي (أقصر زمن)

ضعفي الريبواز (يقابله) الكروناكسي (زمن معين)

زمن الاستنفاد (يقابله) شدة مافوق مستوى حد العتبة

ملاحظة :

الاستنفاد وليس الاستنفاد

الاستنفاد يعني استنفد الشيء نضب أو قل أو انتهى

الاستنفاد أي عبر الشيء ونفذ

استاذ شو هاد الكروناكسي والزمن المفيد الأساسي؟؟

ياسيدي كان يا مكان عنا عالم فرنسي اسمو لويس لايك

اقترح معيار اسمو الكروناكسي

طيب منين جاب الاقتراح

طبعاً مو من عند أبوه جابو من خلال التجربة

شو عمل لايك .. أجا لعند العصب تبع الضفدع وهو بيعرف مسبقاً انو هالعصب بدو شدة

(كذا الريبواز) حتى ينتبه لأنو مجربين قبلو العلماء يعني حطوا الريبواز

المهم قال لابيڪ انو انتو اكتشفتمو الريباز انو الشدة المعينة
 طيب أنا رح استخدم شدة ضعفوا
 وبالفعل ايتخدم شدة ضعفوا لهاد الريباز وشاف الزمن يلي صار فيه تنبيه انتبهولي شو شاف
 لاحظ الزمن يعني ويمى هاد الزمن كروناكسي 😊
 وقال شفتولي هالزمن شو اهميتو بمفهوم قابلية التنبه بالأنسجة المختلفة
 طيب ياعمو لابيڪ شو استفدت انت من الكروناكسي
 قال الأخ انو فيني أنا قارن سرعة قابلية التنبه بالأنسجة المختلفة
 طيب سؤال ياعمو ليش مافيك تقارن قيمتو بالنسيج الواحد نفسو يعني ليش المختلفة حصراً
 قال يا فهمانيين أنا جربتوا وبعرف أنو قيمتو ثابتة وواحدة في النسيج ذات الوظيفة الواحدة
 المتكاملة
 بس يا شباب انتبهولي عشغلة انو نحنا إذا زاد معنا زمن تنبيه اي نسيج معناها هالنسيج شقد
 بطيئة قابلية تنبيهو
 لكن لو مانها بطيئة مامنضل ناظرينوا كتبير ليتنبه ...
 ● طيب لما استخدمنا شدة الريباز (أقل شدة) سو اسم الزمن يلي رح بضل الريباز
 فعال عندو

اسمو الزمن المفيد الأساسي

الزمن المفيد الأساسي : هو الزمن الأقصر الذي لا يزال عنده الريباز فعالاً .
الكروناكسي : الزمن المفيد اللازم لحدوث التنبيه في نسيج ما عندما نستخدم تياراً
 شدته ضعفا الريباز .



رح أعطيك جدول ونحل 😊

10	5	4	3	2	2	شدة التنبيه بـ (mV)	t=20°C
1	1.2	1.5	2	5	6	زمن التنبيه بـ (ms)	
10	6	5	3.5	3	3	شدة التنبيه بـ (mV)	t=10°C
2	2.3	2.5	4	9	10	زمن التنبيه بـ (ms)	

إذا سألنا حدد قيمة الريبواز والكروناكسي في التجربة الأولى؟؟
بروح على التجربة الأولى بشوف وين الشدة بحدد أقل شدة صار عندها تنبيه أقل شدة هي الريبواز

بالتجربة الأولى : 2 قيمتها

وبالتجربة الثانية قيمة الريبواز 3

والكروناكسي؟؟

منشوف مثلاً قيمة الريبواز ومنضربوب 2 (لأنو تعريف الكروناكسي هو الزمن عندما

نستخدم تيار شدته ضعفاً الريبواز)

قيمتو بالتجربة الأولى للريبواز 2 (منضربوب 2 بصير 4 منشوف الزمن عند

الشدة 4 هو بكون الكروناكسي .

بالتجربة الأولى الكروناكسي 1.5

والثانية؟

الريبواز 3 منضربوب 2 بصير 6

الزمن عند الشدة 6 هو 2.3 هي هو الكروناكسي

لاتخربطوا الكروناكسي زمنن والريبواز شدة

□□□



هلق تعوا خدولي هالتعليين ومشان نهي ادرسنا

1_ **علل لعناصر القوس الانعكاسية النخاعية الكروناكسي نفسه .**
لأن لعناصر القوس الانعكاسية النخاعية وظيفة واحدة متكاملة .

2_ **ملامسة جسم ساخن بسرعة لاتجعلنا نشعر بسخونته**

لأن التنبيه خلال زمن يكون أقل من زمن الاستفاد .

(يعني مثلاً ابريق مته غليان اجينا حطينا ايدينا ثانية وشلناها اكيد مارح نحس لأنو سح شدة التنبيه يلي هي الحرارة عالية بس أنا قلت مافي تنبيه ذدون زمن مناسب والزمن عنا كان غير مناسب ومانو كافي ليصير تنبيه لهيك ما شعرنا بالسخونة)

انتهى الدرس الرابع

الدرس الخامس : الظواهر الكهربائية في الخلايا الحية

بالبداية وبعد ما غصنا بالخلايا العصبية لازم نعرف انو الخلايا بتعطي فرق كمون كهربائي عبر الأغشية تبعها وهالفرق هو يلي بخلينا عايشين إذا بدكون 🤖
 وسمعنا فرق كمون يعني عنا شوارد هي عم تسببو
 طيب كتير منسمع بكلمة (السيالة العصبية)
 سيالة ؟ يعني في شي عم يمشي ويسيل ؟؟
 وأنا بقلك اي في شي عم يمشي ... يلي هو الشوارد 😊
 بتمشي وبتطلع وبتفوت عالخلايا يلي بتتنبه (قابلة للتنبه)
 مثال 📍

الخلايا العصبية _ الخلايا البصرية _ السمعية _ البيضية الثانوية كمان عند المرأة _ الشمية
 الذوقية _ عضلية (بتتقلص) _ غدية (بتعمل افراز)
 كلو هاد قابل للتنبه يعني فرق الكمون تبع أغشية هالخلايا السابقة متغير متغير
 📍 طيب ممكن يكون عندي خلايا ما بتتنبه ؟؟
 الجواب ، اي ممكن مثل الخلايا الدبقية ما بتتنبه يعني فرق الكمون تبعها ثابت ما بتغير
 بس تغير الكمون معناها في تنبيه




□□□

هلق أغشية الخلايا لما بتبدي فرق كمون بتبديه لهاد الفرق بحالتين فقط
 (حالة الراحة .. حالة التنبيه)
 يعني باختصار كمون الراحة وكمون العمل كل كمون بختلف عن الثاني بكتير أمور

رح ناخذ هلق كمون الراحة 😊👉👉👉

هلق خدولي هالرسة لنشرح أوسع ونغوص بدرسنا 😊



لازم أعرف انو هاد الليف العصبي بالحالة العادية بحالة الراحة خرينا نقول يعني مافي أي تنبيه نحنا يا أصدقائي عايشين على فرق الكمون وفرق الكمون بتولد حسب الشوارد

(صوديوم ... بوتاسيوم ... كلور ... شرسبات)

يعني هالشوارد متوزعة على جوانب غشاء الليف العصبي إذا صار تنبيه بتتغير توزيع الشوارد رح نحكي منفصل أكثر هلق مثل مو شايفين هاد الليف بحالة الراحة

((لاحظتو القنوات والمضخات الموجودة على غشاء الليف؟؟))

شوفو ا خارج الليف وداخل الليف

ملاحظ كمية شوارد الصوديوم خارج الليف عالية جداً

بس ياترى مافي شوارد صوديوم داخل الليف؟؟ .

اي في داخل الليف بس بكميات قليلة

وشوارد البوتاسيوم داخل الليف كميتها كبيرة

بس خارج الليف قليلة جداً

يعني عكس بعض تماماً

الصوديوم برا عالي ... البوتاسيوم جوا عالي

مكان يلي بتواجد صوديوم بكمية منيحة وكبيرة معناها الشحنة معي بالمكان أو المنطقة يلي فيها

صوديوم كتير << بتكون موجبة

انتبهو مو بس لأنو الصوديوم شحنتو موجبة

خلص هيك سبحان الله بكمون الراحة برا الليف صوديوم كتير وشحنة موجبة

وداخل الليف بوتاسيوم كتير وشحنة سالبة

هالحكي الي حكيتو هو كمون الراحة

رح صيغ الحكي الي حكيو عن كمون الراحة بشكل تعريف :
هو الفرق في الكمون في أثناء الراحة بين السطح الخارجي لليف الذي يحمل شحنة موجدة والسطح الداخلي لليف الذي يحمل شحنة سالبة .
طيب قلنا فرق كمون مو ؟؟ طيب إذا حطينا مقياس لفرق الكمون سو بتطلع القيمة ؟؟
قال القيمة الطبيعية لكمون الراحة هي (سالب 70 ميلي فولط) (- 70 mv)
استاذ ليش قلت ناقص
قلت ناقص اصطلاح لنوع الشحنة داخل الليف مو قلنا داخل الليف الشحنة سالبة يعني فقط
اصطلاحا قلت ناقص

هلق تنا عوامل بتخلي هاليف (يلي بالصورة) بحالة الراحة مستقطب رح نشوف سو الأسباب:

1 تذكروا ها برا الصوديوم كتيير وجوا البوتاسيوم كتيير لحتى اجعلو لليف مستقطب لازم عدل الشحنة ولحتى عدلها لازم الصوديوم يفوت لجوا والبوتاسيوم يخرج ابرا رح أعطيك مثال
عنا كاؤة مة ساخنة بعد فترة إذا قعدنا عند رفيقنا الكحة شو بصير كاسة المة بتبرد بتصير باردة كتيير
السبب انو تعدلت الحرارة

السخونة طلعت برا الكاسة وفات هوا بارد وعيك تعدلت الحرارة
نفس المبدأ لازم لحتى عدل تركيز غشاء الليف شو ساوي يا شاطرين ؟؟؟
برافو ، لازم شوارد الصوديوم تفوت لجوا لأنو هبي برا عالية وشوارد البوتاسيوم تطلع لبرا
بس في شغلة شوارد الصوديوم صح عم تفوت لجوا بس بكميات قليلة وبيطئ ..
واو ليش بس ؟؟

لأنو قنوات التسرب البروتينية لشوارد الصوديوم قليلة مثل مو شايفين بالصورة أنا حطيت قناة
تسرب للصوديوم وحدة
مقابل 3 قنوات تسرب للبوتاسيوم




طيب استاذ معناها البوتاسيوم بيطلع لبرا
الليف بشكل أسرع مو ؟؟
برافو يا شاطر
من هون لازم نستنتج تعريف قنوات
التسرب البروتينية
سواء بوتاسيوم أو صوديوم
هي قنوات (حدد موقع) توجد في غشاء
الليف تكون مفتوحة باستمرار (وظيفة)
تحدد حركة الشوارد عبرها حسب ممال
التراكيز

٢ في عناشي اسمو الشرسبات (لاتخافو هي مو مسبة) ()
الشرسبات هي مواد عضوية كبيرة بالحجم وشحننا سالبة
وين موجودة؟؟ برافو ، داخل الليف

انتبهو (داخل الليف من جوا شحنتو سالبة والشرسبات شحنتا سالبة ومن جوا) ()
هي الشرسبات بسبب حجمها وشحنتها ما بتقدر تطلع لبرا الليف وهي أحد العوامل لتخلي الليف
مستقطب

٣ شافين بالصورة عندي مضخة صوديوم بوتاسيوم
شو وظيفتها؟؟ وظيفتها الحفاظ على تركيز الشوارد على جانبي الليف
الحكي هاد دقيق

يعني نحن بس قلنا الصوديوم عم يفوت لجوا لحتى نعدل الشحنة صح!؟



طيب فانت كمية صوديوم وتعدلت الشحنة
بس لاحظنا الصوديوم لسا عم يفوت
وهيك رح يسبب خلل
بتجي المضخة يلي مبدأ عمله

ا بتشيل 3 صوديوم من جوا وبتكبوا
برا الليف (لأنو الصوديوم فات بكمية
زيادة) وبتجيب 2 بوتاسيوم بتحطو جوا
الليف

وهيك المضخة بتحافظ على تركيز الشوارد

بس انتبهوا محدا بيشتغل ببلاش لحتى تشتغل المضخة بدا شو؟؟
بدا طاقة بعملية النقل النشط

(مثل مضخة المي لحتى تطالعك المي عالخران بدا كهربا وطاقة)

وهال 3 عوامل بتخلي الليف مستقطب

طبيب استاذ ... علل يعد الليف مستقطباً كهربائياً أثناء الراحة!؟

الجواب : لأنه (يفصل) بين نوعين من الشحنات موجبة خارج الليف وسالبة داخله .

هل سبب ظاهرة كمون الراحة؟؟ (شو استنتجنا ياغوالي)

قال يعود سبب كمون الراحة إلى فروق التراكيز الشاردية على جانبي غشاء الليف لشوارد
صوديوم ... بوتاسيوم ... كلور ... شرسبات .. الخ .

شو أكثر شاردة بتأثر بكمون الراحة؟؟

برافو، البوتاسيوم احفظوها منيح



منرجع على الصورة يلي راسها شايفين على غشاء الليف العصبى شو موجود هلق يا أصدقائي لازم نميز بين القنوات الموجودة على غشاء الليف العصبى .

هلق رح نعدد شو موجود ونعرف كل شغلة منشوفها عنا :

١_ مضخة الصوديوم والبوتاسيوم :

مهمتها الحفاظ على تركيز الشوارد بس ((ما)) الها دور غير بتغير الكمون .

٢_ قنوات تبويب فولطية (صوديوم بوتاسيوم) :

موقع : توجد في غشاء الليف .

وظيفة : تغلق وتفتح حسب فرق الكمون على جانبي الغشاء

من اسمها فولطية معناها الها دور بفرق الكمون .

3_ قنوات التسرب البروتينية :

موقع : غشاء الليف

وظيفة : تكون مفتوحة دوماً وتحدد حركة الشوارد عبرها حسب ممال التراكيذ .

...

هلق خلصنا من كمون الراحة وعرفنا شو بصير وشو يكون فرق الكمون وكلشي بتعلق فيه .

هلق ▲▲ كمون العمل ▲▲

احفظولي هالحكي منيح رح سميه القاعدة الذهبية 1

{ بس حطولي ببالكون هالفكرة رح نستخدمها كثير من اليوم ورايح }

يلي هبي لكل فعل رد فعل بشكل عام رح احكي ورح نعرف هالقاعدة بعدين

انو عندي مثلاً العين أول الشي بتضرب عيني عالغرض بتقوم العين بتبعث رسالة عالدماغ

يلي بحلل الغرض وبلقنا الدماغ شو نوع هالغرض أو ماهية الغرض

السمع نفس الشي منسمع بتروح رسالة عالدماغ بحلل وبيعطينا نتيجة انو شو الصوت ولمين

هالصوت .

بالدرس الجاي أي شي بصير بجسمنا أي اضطراب (سمعنا شي شفنا شي شمينا شي ..)

أول شي بستقبل هالاضطراب شي اسمو **المستقبلات** (سواء الحس الشوق الشم العين الخ ..)

موجودة بجسمنا بعدين هي بترسل رسالة للدماغ أو للنخاع الشوكي (مراكز عصبية مركزية)

بتبعثون رسالة (هي الرسالة هي كمونات عمل) (سيالة عصبية حسية) انو أنا شفت أنا

حسيت أنا سمعت أنا شميت شي .. بس توصل **عالدماغ** الرسالة من أعضاء الحس الدماغ بحلل

وبفسر الرسالة وبقراءها منيح بعدين بيعطينا ردة فعل (سيالة عصبية حركية) يلي هي إدراك

أو حركة أو رد فعل المهم

مثلاً جارنا حب يمزح ويرمي علينا حجرة أو ما بتضرب عينك عالحجرة العين بتبع رسالة للدماغ (طبعاً خلال أجزاء من الثانية كل الحكي لأنو نحنا عنا خلايا عصبية سريعة جداً جداً) بعدين الدماغ بحلل بقلك هالحجرة بتأذيك ببعت الدماغ رد عالرسالة أو رد فعل انو بخليك تبعد عن الحجرة مشان ما تصيبك وتتأذى يعني رد فعل حركي نفس المبدأ بكلشي حتى لما بيوقع علينا ابريق المته الساخن بتروح رسالة عالدماغ والنخاع الشوكي انو وقع علينا شي عم نحس بألم بقوم الجهاز العصبي عندك برد فعل مشان يخفف الوجع أو الألم بتقوم انت بتعيط أو بترقص أو بتبكي .

هي القاعدة الذهبية الأولى بالنوطه



كمون العمل

هلق من اسمو عمل معناها عندي اضطراب بكمون الراحة استجابة للمنبهات بصير عندي شغل أكثر يعني (عمل أكثر)

هلق بس نبه الليف أنا بلا حظ نوعين من خالتغيرات

□ حد عتبة التنبيه .. □ كمون العمل

نحننا لحتى يصير عندي استجابة بالليف لازم المنبه يجتاز حد العتبة ليولد كمونات عمل وبالتالي استجابة للتنبيهات


رح أعطيكون مثال

لما منشغل سيارة بدنا نسوقها .. لما منحط اجرنا عالبنزين ومنشيلنا بسرعة كبيرة منلاحظ السيارة ماتحركت .. يعني دسنا بانزين وشلنا اجرنا بلمح البرق طيب لحتى تتحرك السيارة بدك تضل دايس بانزين مدة حتى لو ثواني معدودة مارح تتحرك إذا حطيت اجرنا وشلنا بنفس اللحظة

مابعرف إذا فهمتوا علي () ()

يعني لحتى تتحرك السيارة مثلاً بدك تدعس بينزين فترة لحتى تعطيك قوة دفع مثل التنبيهات لما بصير تنبيه خفيف يكاد لا يذكر وهاد التنبيه مابقدر يقطع حد العتبة تبعه التنبيه .. ف منلاحظ ما في استجابة .

لحتى يصير في استجابة واطلاق كمون عمل (مثل دفعة لقدام بالسيارة) بدنا المنبه يكون فرق كمونو أعلى من عتبة التنبيه



خدولي هالصورة لنفهم شوي
يعني فرق كمونو لهاد المنبه اجتاز حد العتبة
لهيك سميناه منبه عتبوي وكلشي قبلو تنبيهات
ما اجتازت حد العتبة فهي دون عتبوية
حطيت اكس عليها
روحولي عالكتاب ص 36 المخطط الأول
بالصفحة
بنتذكرو معي شقد كان فرق كمون الراحة؟؟
سالب 70 ميلي فولط استاذ

برافو صح

قلنا نحنا كمون العمل والاستجابة هي اضطراب لكمون الراحة صار عندي اضطراب من
سالب 70 ل سالب 55 لوصلنا لحد العتبة
سؤال حساس!!

شو قيمة فرق كمون يلي صارت لوصلنا لحد العتبة!!
يعني شقد طبقنا فرق كمون بين سالب 70 ل سالب 55؟؟
هون بدك حساب رياضيات وانتبه عالإشارات لأنو حساسة وهي سؤال نكشة
الجواب هو 15 + ميلي فولط
(انتبه موجب) لأنو هيك المعادلة
ليش حطينا سالب 55 لأنو نحنا
وصلنا حد العتبة كان هيك

المهم عندي استنتاج وشوية تعاليل لازم نفهمون ونبصمون (هامات كتير)
يؤدي تنبيه الليف العصبي بشدة كافية إلى زوال جزئي للاستقطاب ، نتيجة دخول شوارد
الصوديوم إلى داخل الليف بكميات قليلة في البدء ، وهكذا يزول الاستقطاب تدريجياً للوصول
إلى حد العتبة اللازم لإطلاق كمون العمل
أما إذا كانت شدة المنبه لا تكفي للوصول إلى حد العتبة ، فلا ينشأ كمون العمل .

(قلنا فرق الكمون نتيجة الشوارد بتضل تفوت شوارد الصوديوم ويزول الاستقطاب
قلنا بحالة الراحة يلي بجعل الليف نستقطب هو شوارد الصوديوم تكون برا الليف)
هلق حد عتبة التنبيه شقد لازم تكون ياترى؟؟ دائماً (سالب 55 ميلي فولط)؟؟
الجواب لا ،، حسب الليف إذا كان الليف العصبي تخين بكون بحدود (- 65 mv)
بس بالألياف العصبية الصغيرة بتكون (- 55 mv)

تعليين هامات ودقيقات جداً جداً

يبقى العصبون في حالة عدم راحة رغم وصول عدة منبهات عليه ؟ هام جداً ومتوقع كثير لأنها تكون غير قادرة (المنبهات يعني) على إيصال كمون الغشاء إلى حد العتبة .

تكون قابلية التنبه في الألياف الثخينة أكبر منها في الألياف صغيرة القطر ؟ لأن حد العتبة في الألياف الصغيرة أكبر من حد العتبة في الألياف الثخينة .

هلق رح نحكي عالمرحلة الثانية بالتنبيه بعد ما اجتاز فرق الكمون حد العتبة شو لازم يصير؟؟ كمون عمل برافو

□□ كمون العمل □□

بملك نوعين :

1. كمون عمل أحادي الطور (الشوكة الكمونية)

2. كمون عمل ثنائي الطور

منحكي ومدة وحدة


1_ كمون عمل أحادي الطور (الشوكة الكمونية)

هلق منعرف ليش سمينها شوكة رح نعرف بعد شوي

كيف منقيسو؟؟

وضع أحد مسري راسم الاهتزاز المهبطي على السطح الخارجي لليف والآخر على السطح الداخلي ، وباستخدام منبه عتبوي

منشوف على شاشة هالراسم الاهتزاز



مجموعة من التبدلات بالكمون بشكل موجة مؤنفة وحيدة الطور منسيميا


✳ شوكة كمونية ✳

لأنو شكلها مثل الشوكة البارزة

قبل ما نغوص بالشوكة الكمونية تذكروا انو تبدل الكمون يعني في شوارد عم تفوت وشوارد عم تطلع

شوفولي هالصورة للشوكة

أول شي غشاء الليف بكون بحالة راحة فرق الكمون (-70mv) صار الحكي قديم وبايخ



صار عنا منبه عتبوي يعني شو صار؟؟

شوارد الصوديوم فانت لجوا الليف

طيب بس تفوت هالشوارد لجوا الليف وهي طبيعتها بحالة الراحة خارج الليف شو بصير

بالاستقطاب؟؟

برافو إزالة استقطاب

بنزل الاستقطاب تدريجياً والكمون بزيد من سالب 70 ميلي فولط لحد العتبة يلي هو شو؟؟

برافو سالب 60 (خلينا نحط وسطياً لأنو بالألياف الصغيرة سالب 55 والثخينة 65 ميلي

فولط منحط قيمة وسطية 60)

ملاحظة : وين ما شفنا شوارد الصوديوم فانت لجوا الليف معناها عندي إزالة استقطاب

المهم ياطلابنا كيف فانت شوارد الصوديوم؟؟

اي بدا ذكاء مبيينة بقنوات التبويب الفولطية الخاصة بالصوديوم بتنفث فبتدقق شوارد

الصوديوم لجوا الليف

انتبهو بكل لحظة بدنا نعرف قيمة فرق الكمون اي كان عند العتبة (-60) بعد ما تدفقت

شوارد الصوديوم صار (موجب 30 ميلي فولط)

هلق هون بمر الليف بحالة استعصاء أو منسميه زمن الاستعصاء المطلق اسمو مطلق يعني

الخلية بهي الحالة لما بتكون عم تزيل الاستقطاب ما بتستجيب لأي منبه جديد .

ولحتى نعمل استجابة جديدة بدنا تنبيه من أول وجديد لهيك هو مطلق

الاستعصاء المطلق : يعني عندو ما بيستجيب العصب لأي منبه مطلقاً ... لأنو قنوات

الصوديوم بتكون صرلا زمان مفتوحة وعم يتدفقوا الشوارد لجوا وبس دخلو بتتعب وبتسكر

الباب ... مابعود بتفتح لحتى يرجع الكمون لوضع الراحة .

مثال للتوضيح : مثل انت عم تحكي مكالمة مع حبيبتيك 😊 واجتك مكالمة من رفيقك الزنخ

👉 مابتقدر تسكر بوجه حبيبتيك لتخلص حكي وبس ترتاح من نكدها (كمون الراحة)

بترجع فيك تحكي مع رفيقك وترد عليه .

هلق بالمرحلة البعدا [] بتسكر قنوات التيوب الفولطية الخاصة بالصوديوم وبتفتح قنوات التيوب الفولطية الخاصة بالبوتاسيوم وبتدق شوارد البوتاسيوم نحو ???
برافو خارج الليف أو خارج الخلية وهون عنا مرحلة عودة الاستقطاب وبلش الليف يمر بمرحلة جديدة يلي هي الاستعصاء النسبي

بس **خلال الاستعصاء النسبي الخلية بتستجيب لمنبهات القوية فقط طيب علل ؟؟**
بسبب بقاء قنوات الصوديوم مغلقة وفرط الاستقطاب الناتج عن تدفق الشوارد البوتاسيوم إلى الخارج بكميات كبيرة .

يعني المرحلة بعد عودة الاستقطاب << هي فرط الفرط هو تدفق الشوارد البوتاسيوم لبرا بشكل كبير هلق بدنا نرجع للراحة بس (تراكيز) الشوارد غشاء الليف مانها متناسقة فبتجي بتغلق قنوات التيوب الخاصة بالصوديوم وقنوات البوتاسيوم وبتتنشط مضخة الصوديوم بوتاسيوم .
بتتذكرو عملها ؟؟ ووظيفتها ؟؟

بترجع الصوديوم عمكانو (بتشيل 3 صوديوم وبتكون برا الليف)
وبيرجع البوتاسيوم لمكانو (بتشيل 2 بوتاسيوم وبتحطو جوا الخلية أو الليف)
وهيك بتحافظ عتراكيز الشوارد

قوموا نجدد كاسة المة
ونرجع نكمل بقوة

□□□

شرح مبدأ الكل أو اللاشيء 😊

من الاسم مبين يا باخد كلشي يا مابدي شي

أولاً : المنبه لحتى يصير كمون عمل شو لازم يكون ؟ لازم يكون عتبوي .. كيف يعني ؟؟

يعني أنا مثلاً جبت ورقة صغيرة وحطيتها على ايدك وانت نايم .. بتحس ؟ 😊 أكيد لا ..

طيب جبت ورقة أكبر وأسمك وحطيتها عايدك ... هون بشوف انو ايدك تحركت شوي كأنو

اتدايقت وحسيت .. طيب عجبنتي الشغلة وجبت كرتونة 😊 وحطيتها عايدك .. ما بشوفك إلا

فقت وحسيت وعملتني لازم 😊 .. المهم 😊

ليش أول مرة اليافاك العصبية ما اتنبهو بالورقة الصغيرة ؟ ... قال لأن المنبهكان دون عتبوي

وماقدر يوصل لحد العتبة ويعمل كمون عمل ... وتاني مرة كان يادوب عم يلامس المنبه حد

العتبة ... بس تالت مرة الليف عجبا المنبه القوي يلي دغري بيكون فوق حد العتبة ويعمل

كمون عمل بسرعة ... يعني هون الليف اشتغل ع مبدأ يا بتعطيني منبه مثل الخلق والعالم

لأعملك كمون عمل يا مابدي ... (يعني بدك تعطيني الف ليرة كاملات وإذا 999 مابدي)

طيب إذا عطيتو منبه أقوى لسا وجبت كتاب وخطبو عايدك ... كمان رح تكون استجابتك مثل استجابتك للكرتونة أول مرة ... قال طيب ليش مو أسرع أو أقوى ... قال لأن الليف الو حد عتبه بس قطعوا خلص في كمون عمل وصارت الاستجابة شو ماكانت قوة المنبه تكون.. الليف بهمو توصل لحد عتبتو وتثير كمون عمل وكتر خيرك ولو قطعوا نفس الشئ ... قال ليش؟؟ لأن الاستجابة في الليف تعتمد على الطاقة المخزنة في الليف (لا على طاقة المنبه) .


مثلاً بالمنعكس الداغصي لما عم انقر على قدمك أول مرة عم تستجيب بصورة ممتازة وواضحة ... رديت نقرت ثاني مرة لقيت ردة فعل القدم خفت شوي ضليبت هيك عم انقر لحتى وصلت انو يا دوب القدم عم ترتفع وتتحرك ... مع انو المنبه نفسو ما غيرتو وهو وصل لحد العتبه كافي لإثارة كمون العمل وزبط معي أول كم مرة ليش ماعد اثار استجابة مثل المرات الأولى؟ قال لأن طاقة الليف ضعفت ماضل في كتير نواقل كيميائية وحتى لو المنبه كافي وطاقتو عالية أنا بهمني طاقة الليف .

وينطبق هذا المبدأ (الكل أو اللاشيء) على الليف العصبي ولا ينطبق على العصب .. ليش؟ لأن العصب هو مجموعة ألياف عصبية وبس زدت المنبه يزيد عدد الألياف العصبية يلي عم تنبه فبتزيد عندي الاستجابة 😊 !

❤️❤️ وهلق منتقل لكمون العمل ثنائي الطور ❤️❤️

٢_ كمون العمل ثنائي الطور :

كيف يقاس؟؟



منوضع راسم الاهتزاز المهبطي على نقطتين متباعدتين على (السطح الخارجي) لليف العصبي الو تبدلين فقط يلي هنونى إزالة استقطاب غشاء الليف وإعادة استقطاب غشاء الليف .

منستخدم كمون العمل ثنائي الطور (تخطيط القلب ، تخطيط دماغ ، تخطيط عضلات)

هلق سؤال بلا صغرة؟

شو الشاردة الأكثر تأثيراً في كمون العمل؟؟ وواضحة (الصوديوم)

لا تخربطو

الراحة بوتاسيوم العمل صوديوم

خدولي هالجدول مقارنة بين كمون العمل أحادي الطور وكمون العمل ثنائي الطور :

من حيث	كمون العمل أحادي الطور (الشوكة الكمونية)	كمون العمل ثنائي الطور
كيف يتم وضع راسم الاهتزاز المهبطي (كيف يقاس)	يتم وضع إحدى مسريي راسم الاهتزاز المهبطي على السطح الخارجي للليف والأخر على السطح الداخلي للليف	يتم وضع مسريي راسم الاهتزاز المهبطي في نقطتين متباعدتين على السطح الخارجي للليف العصبي
التبدلات في استقطاب الليف بدءاً من الوصول لحد العتبة	حد العتبة _ إزالة الاستقطاب عودة الاستقطاب فرط الاستقطاب _ الراحة	إزالة الاستقطاب عودة الاستقطاب
الاستخدام الطبي		التخطيط الكهربائي للقلب والعضلات والدماغ

المدرس : بشار ديوب

انتهى الدرس الخامس

الدرس السادس : النقل في الأعصاب

أخذنا بالدرس السابق كيف تشكل كمون العمل انطلاقاً من كمون الراحة وكيف تبدل الكمون بغشاء الليف .

هلق تعالو نحكي شوي بشكل أوسع

نحننا لنفترض عم نشرب ممة مع العائلة وفجأة وقعت كاسة الممة عايدنا أول الشي منشغلو منحت ايدنا تحت حنفة المي

طيب يعني صار عنا تنبيه للمستقبلات الحسية بالجد وراح هالتنبيه عماغنا حلناه بسرعة وقلنا دماغنا روح يا ابني حط ايدك تحت الني وبرد الحرق

هلق رح نشرح بشكل علمي أكثر شو صار

بالبدائية بتعرفو انو الليف العصبي هو محوار أو استطالة هيولية طويلة

والمحوار والاستطالة أقسام مين؟؟ واضحة أخذناها بالدرس ال 2 عصبية أقسام الخلية العصبية .

المهم تشكل عنا كمون عمل وعرفنا كيف تشكل طيب أنا شو استفدت من كمون العمل؟

أنا بدي كمون العمل يوصل عالدماغ بالخلايا العصبية

تشكل كمون عمل بضل واقف محلو؟؟ لا أكيد بدو يتنقل

تعو نشبه الموضوع لنقرب الفكرة

انت معك صورة بدك تعلقها عالحيط

بتحط السلم وتطلع درجة درجة بس توصل أخره بتحط الصورة

بنفس المبدأ انت معك كمون عمل (الصورة يلي بدك تحطا) بتطلع درجة درجة (خلية

عصبية .. خلية عصبية) (عصبون يعني نفسو خلية عصبية)

اي المهم شيلونا من السلم والصور خلونا بدرسنا

بس كمون العمل ما بتشكل بشكل عشوائي أو بأي نقطة من المحوار بشكل عشوائي

كلو بشكل منتظم ...

لحتى يتشكل كمون العمل قلنا ولعينا قلبنا بالدرس الخامس بدنا شوارد تفوت

وشوارد تطلع والخ ...

يعني بدنا نستخدم قنوات التبويب الفولطية صح ؟ تذكرتو ؟

او ك انتبهو يا حبايب قنوات التبويب فولطية ها

اي او ك استاذ بربك فوت بالدرس


يا حبيب القلب انت عم وضحكك الدرس نقطة نقطة

بس انتبه عندي نوعين من الالياف العصبية

الياف مجردة من غمد النخاعين والياف مغمدة بالنخاعين

رح ندرس النقل العصبي بكل ليف لحالو

1_ النقل بالاليف المجردة من النخاعين (يعني محوار الخلية مجرد من الاغمد) :
يتشكل كمن العمل بالقطعة الأولية من المحوار
خدولي هالصورة :



استاذ ليش القطعة الأولية ؟

برافو هاد تحليل مهم

قال بسبب احتواء هذه المنطقة على كثافة عالية من قنوات التوبيب الفولطية (مو هو بدنا
قنوات فولطية لتطلع وتفوت الشوارد وكذا)

انتبهو كثافة عالية يعني نحنا بالخلية العصبية عنا قنوات توبيب فولطية بجسم الخلية
وبالاستطالات الهيولية ... بس عددها قليل .

بس هي أكثر بالقطعة الأولية للمحوار

هي عرفنا منين بتشكل كمن العمل بالاليف المجردة

طيب استاذ لازم ينتقل لآخر المحوار مشان ينتقل لخلية تانية ومن خلية لخلية لحتى يوصل
عالمراكز مو صح؟؟ اي صح

كيف بنتقل كمن العمل المتشكل بالقطعة الأولية للمحوار بالاليف المجردة من
غمد النخاعين؟؟

حسب الخطوات هدول (رح أشرحون بشكل قصة بعد برتبون حسب الكتاب)

انتبهو ها رح أشرح (مراحل انتقال كمن العمل بالاليف العصبية المجردة من
غمد النخاعين)

أول شي تشكل عنا كمن عمل (منعرف وين مو ؟) بالقطعة الأولية للمحوار

قلنا بس تشكل كمن عمل يعني إزالة استقطاب علل؟؟

نتيجة تدفق شوارد الصوديوم نحو الداخل هالحكي صار قديم

● بس انتبهو بتذكرو شو كانت شحنة السطح الداخلي والخارجي للغشاء بحالة الراحة؟؟

برافو من جوا سالي ومن برا موجب

لما فانت شوارد الصوديوم لجوا صار عندي الغشاء جن وانعكست شحناتو

●● انعكست شحناتو بس فقط بالمنطقة يلي تشكل فيها كمن عمل ها (يعني مو


انعكست شحنات كامل الغشاء) لأنو هيك نموت

انعكست شحنة المنطقة يلي تشكل فيها كمن عمل صار السطح الداخلي موجب والخارجي

سالب

تشكل شي عندي اسمو تيار موضعي (محلي)

هاد تشكل بالمنطقة يلي بجوار المنطقة يلي تشكل فيها كمون عمل
هاد التيار بروح لوين ؟



بروح عالمنطقة المُنبهة (مكان ما تشكل كمون عمل)
يعني تشكل تيار موضعي قادم من
المنطقة المجاورة للمنطقة يلي تشكل
فيها كمون عمل

وصار بهي الحالة عنا إزالة استقطاب تدريجية بالمناطق المجاورة
ايوا استاذ يعني بما انو صار في إزالة استقطاب معناها في كمون عمل صح ؟؟
اي صديقي برافو يعني يا صديقي شو استنتجنا ؟؟
برافو انتقل كمون العمل عالمنطقة المجاورة
ايوا .. والمنطقة الأولى يلي كان فيها كمون العمل شو بصير فيها بما انو انتقل كمون العمل
منها ؟؟

برافو تبدأ إعادة الاستقطاب بعدين كمون راحة من جديد بعد ما بتكون مرت بحالة استعصاء
أو زمن الاستعصاء






(شوكة كمونية شبكون)

وهيك بضل ينتقل كمون العمل من منطقة لمنطقة حدها حتى يوصل الكمون عآخر
المحوار (الأزرار الانتهائية) وهيك منكون خلص النقل ضمن العصبون نفسو يعني ضمن
الخلية العصبية المجردة نفسها
المجردة ها انتبهو ●●

▼ ألاحظ الأشكال الآتية:

أنتبع مراحل انتقال السيالة في الألياف المجردة من غمد النخاعين:

- 1 يتم إزالة الاستقطاب في القطعة الأولية 1 نتيجة تدفق شوارد الصوديوم نحو الداخل، تجعل شحنة السطح الداخلي موجبة مقارنة مع الشحنة السالبة للسطح الخارجي ويتشكل كمون عمل.
- 2 نحو المنطقة المنبهاة 1 خارج الليف وبالعكس داخله، مما يؤدي لإزالة تدريجية للاستقطاب في المنطقة المجاورة 2.
- 3 فينتقل كمون العمل نحو المنطقة المجاورة 2، بينما تبدأ القطعة الأولية 1 بمرحلة إعادة الاستقطاب، ثم تعود إلى مرحلة كمون الراحة، بعد أن تمرّ بزمن الاستعصاء.
- 4 وهكذا تتكرر العملية بالآلية ذاتها ليصل كمون العمل إلى نهاية المحوار (الأزرار) في النقل الوظيفي.



□□□

هلق ننتقل عالفكرة الثانية

انتقال كمون العمل بالاليف المغمدة بالنخاعين

هلق عنا فروقات شوي عن النقل بالاليف المجردة

أول شي مكان نشوء كمون العمل


قلنا هنيك (بالمجردة من النخاعين) بالقطعة الأولية لأنو فيها قنوات تبويب فولطية كتير

أما بالمغمدة بالنخاعين بتحسو الليف العصبي أو المحوار يعني مثل شكل النقائق

هو غمد النخاعين بيعطي الليف بشكل متقطع باختناقات رح نسميها اختناقات رانفية

شو هو هالصورة






ضمن هي الاختناقات بتشكل كمون العمل علل؟؟؟!
 لأنو قنوات التوبوب الفولطية يقتصر وجودها عهي الاختناقات
 بسيطة جداً الفكرة
 وبما أنو الغمد بغطي المحوار هالشي يؤدي لمقاومة للتيارات الموضوعية بالمناطق يلي
 بغطيها الغمد لهيك يقتصر نشوء كمون العمل عاختناقات رانفية .
 اي استاذ طيب فهمنا وين بصير نشوء كمون العمل
 هلق كيف بينتقل هالكمون؟؟
 ببنتقل بطريقة نقل اسمها النقل القفزي أو الوثاب مثل الكنغر
 قافز فوق قطع غمد النخاعين من اختناق رانفيه لاختناق ثاني ليوصل كالعادة لنهاية
 المحوار (الأزرار)
 عنا لسا ميزة بالنقل بالالياف المغمدة
 انو أسرع وبوفرلنا طاقة
 مو ينشأ كمون العمل بس فقط باختناقات رانفية هالشي بوفرلنا طاقة
 مو مثل الالياف المجردة بصير نشوء الكمون بالقطعة الأولية وبينتقل عطول المحوار
 وهي قاعدة (بتزداد سرعة السيالة العصبية بوحد غمد النخاعين وبزيادة قطر الليف
 العصبي)
 هي القاعدة الذهبية بتفيدنا كتير ها
 وخصوصاً انو فينا نربط هي القاعدة مع القفز بالصفحة 23.

وهلق خلصنا انتقال كمون العمل ضمن العصبون لحتى يوصل للأزرار
 وهيك بتكون رسالتنا انتهت ؟ خلص النقل يا ترا؟؟
 لا يا حبايب القلب هلق رح نشوف كيف بتنتقل كمونات العمل من عصبون لآخر (من خلية
 عصبية لخلية عصبية)
 يعني وصل كمون العمل لنهاية المحوار اوكي شكرا كتير

هلق رح نشرح كيف بنتقل من نهاية المحودر لخلية عصبية
(استاذ من نهاية محوار لخلية عصبية ؟؟)

اي بعد ما صار كمون العمل بالزر الانتهائي للمحوار هلق بقدر ينتقل إما على استطالة هيولية
أو جسم أو محوار لخلية عصبية تانية
عبر شي اسمو مشابك عصبية
وهالمشابك نوعين (مشابك كيميائية أو مشابك عصبية)
رح نحكي كل واحد وشرحو وشو بصير

▲ المشابك الكيميائية ▲ :



هاد المشبك عبارة عن ٣ مناطق وهن
كالتالي :

غشاء قبل مشبكي _ فالق مشبكي _ غشاء بعد المشبكي

سهل كتير وواضح اسمون أغشية انتبهو ها ❤
الغشاء قبل المشبكي موجود وين إذا بتعرفو؟؟
خدولي هالسورة وركزوها منيح

الغشاء بعد المشبكي موجود بالزر الانتهائي للمحوار 😊

مو نحنا وصل عنا كمون العمل عهاد الزر رح نشوف كيف بنتقل عبر غشاء قبل المشبكي
عالفالق المشبكي ومن الفالق للغشاء بعد المشبكي
طيب الغشاء بعد المشبكي غشاء شو؟؟

واضحة غشاء عصبون تانية (خلية عصبية تانية)


موقلنا عم ينتقل الكمون من عصبون لآخر 📌📌

المهم منرجع منعيد المشبك الكيميائي يتألف من (غشاء قبل مشبكي _ غشاء بعد مشبكي _
فالق مشبكي)

طيب استاذ عرفنا انو وصل كمون العمل عالغشاء قبل المشبكي (غشاء الزر الإنتهائي
للعصبون يلي تولد فيه كمون عمل)

شو بصير؟؟

بنتقل هالكمون من زر انتهائي لعصبون أول إلى ركز معي إلى وين إلى إما محور أو جسم أو استطالة هيولية لعصبون تاني شو فولي هالصورة :



هلق يا حلويين مين النيرد يلي بتذكر الصفحة 21

الفقرة يلي بمربع أخضر (أضف إلى معلوماتي)

الأضرار الانتهائية للمحاور فيها نواقل عصبية كيميائية 😊

شو شغلنا هالنواقل؟؟ من اسمها اكتسبنا شغلتين

📌 الأول اسمها نواقل (بتنقل كمون العمل)

📌 الثاني نواقل عصبية كيميائية : من هون اجي اسم المشبك الكيميائي .

رح نشبه الموضوع

تخيلو معي بالونة فيها كرات صغيرة شوكلطة

البالونة بس تصدم بأي حيط رح تفجر وتحرر منها الشوكلا 😊😊

نفس المبدأ الحويصلات هي البالونة وكرات الشوكولا هي النواقل العصبية رح نشوف بعدين

بسبب من. الأسباب هالحويصلات بتصدم بالغشاء قبل المشبكي وبتحرر الشوكلا 😊😊

عفواً بتحرر النواقل العصبية الكيميائية بالفالق المشبكي .

شو غايتنا؟؟ غايتنا هالنواقل العصبية تروح بالغشاء بعد المشبكي وترتبط بنواقل وقنوات

خاصة مشان تولد كمون عمل بعد المشبكي

وهيك بكون انتقل كمون العمل من الغشاء قبل المشبكي للعصبون الأول إلى الغشاء بعد

المشبكي (عصبون تاني)

او ك استاذ فهمنا الفكرة كمل لنشوف آخرتها معك 😊

قلنا تحررت هالنواقل بالفالق المشبكي وين بدا تروح؟؟

عالم الغشاء بعد المشبكي .. صح برافو

طيب مين يكون باستقبالو بالمطار تبع الغشاء بعد المشبكي ؟
 يكون باستقبالو شي اسمو مبين (مستقبلات نوعية للنواقل العصبية الكيميائية)
 سهل ولو شبكون

هي المستقبلات مرتبطة (ببالي مخطوبة ههه بايخة)
 هي المستقبلات مرتبطة بشي اسمو بنوات التسرب الكيميائية 😊😊
 أول مرة بتمر معنا استاذ قنوات تسرب كيميائية
 اي لكن ياغالي خدلي هالتعريف يلي بجي منو حدد موقع وشرح وكذا
 🔑 **قنوات التيوب الكيميائية :**

هي قنوات بروتينية توجد في الغشاء بعد المشبكي ، ترتبط معها مستقبلات نوعية للنواقل
 الكيميائية العصبية التي تتحكم بمرور الشوارد المختلفة عبرها .
 هيك خلاصنا بشكل عام كيف بصير النقل من عصبون لعصبون ثاني عبر مشبك كيميائي
 بشكل عام !!؟ وات !!؟ اي صديقي هلق رح نغوص أكثر وبشكل بسيط وبدقة أكثر شو بصير
 بالمشبك الكيميائي
 قال يا صديقي **النقل بالمشبك الكيميائي يتم ب 3 مراحل :**

١_ المرحلة الأولى :

تحرر النواقل الكيميائية العصبية في الفالق المشبكي وارتباطها بالمستقبلات بعد المشبكية .
 ٢_ المرحلة الثانية :

توليد الكمونات بعد المشبكية .

٣_ المرحلة الثالثة :

تجميع (تراكم) الكمونات بعد المشبكية .

رح نشرح بالتفصيل مرحلة مرحلة 🔴

🔑 المرحلة الأولى :

حكينا عنها بشكل عام بس رح نرجع نفصل
 أول شي وصل كمون العمل للزر الإنتهائي وقلنا سابقاً ومنضل نقول ورح نضل نقول متى ما
 شفنا كمون عمل بمكان معناها عندي إزالة استقطاب
 اي حبايبي وصل كمون العمل عالزر يعني عالغشاء قبل المشبكي صار عندي إزالة استقطاب
 الغشاء

كيف وصل كمون العمل؟؟ على شكل نواقل عصبية ضمن حويصلات هاا وبس شفنا إزالة
 استقطاب غشاء ما معناها عندي قنوات تيوب رح تفتح
 شو هي ياحلوين

قنوات التيوب الفولطية لشوارد الكالسيوم 😊🔧🔬
 كالسيوم استاذ؟؟

اي أصدقائي بصمولي ياها لأنو مو مارر معكن غير هون قنوات تيوب فولطية للكالسيوم

المهم انفتحت قنوات التيوب الفولطية للكالسيوم شو بدو يصير؟؟



طبيعي بتفوت شوارد الكالسيوم لجوا
شوارد الكالسيوم بس فانت بتعمل مثل الشخص يلي بمسك بالونة يلي فيها شوكلاتة وبزتها
عالحيط لتنفجر وتحرر الشوكولاتة وهالشوكولاتة تلزق عالحيط
(البالونات يلي حكينا عنا قبل وهي الحويصلات يلي فيها نواقل عصبية كيميائية ويلي هي
شوكلاته)

المهم لما بترتفع تركيز شوارد الكالسيوم جوا بأدي لندماج الحويصلات بالغشاء قبل المشبكي
وتحرر لنا الشوكولاتة (النواقل العصبية الكيميائية) بالفالق المشبكي

استاذ بتضل بالفالق؟؟

حبيبي شبك فتخلي مخك نحنادتم ننقل كمون عمل شو استفدنا إذا ضل بالفالق
بتروح هالنواقل لوين؟؟ عالمطار (المستقبلات النوعية للنواقل المرتبطة بقنوات التسرب
الكيميائية) الموجودة بالغشاء بعد المشبكي


بس ارتبط الناقل بمستقبلو النوعي بتفتح قنوات التسرب الكيميائية
حكينا قبل قنوات التسرب بتحدد حركة الشوارد
فهون انفتحت قنوات التسرب الكيميائية

فانت الشوارد المختلفة لجوا الغشاء بعد المشبكي ليش؟؟
مشان يصير عنا كمون عمل بعد مشبكي

مو قلنا بس فانت شوارد تشكل عنا كمون عمل

ديوب

بالمثال الكتاب فانت شوار د صوديوم
خدولي هالصورة وتبعو منيح وانتبهولي عالترتيب



- ١_ يؤدي وصول كمون العمل إلى إزالة الاستقطاب في الغشاء قبل المشبكي .
 - 2_ تسبب إزالة استقطاب الغشاء إلى فتح قنوات التيوبوب الفولطية لشوارد الكالسيوم فتتدف هذه الشوارد نحو الداخل .
 - ٣_ يؤدي ارتفاع تركيز شوارد Ca^{++} إلى اندماج الحويصلات المشبكية مع الغشاء قبل المشبكي وتحرير الناقل الكيميائي في الفالق المشبكي .
 - ٤_ ينتشر الناقل الكيميائي في الفالق المشبكي ليرتبط بمستقبل نوعي على قنوات التيوبوب الكيميائية الموجودة في الغشاء بعد المشبكي ، مما يؤدي لفتحها ومرور الشوارد النوعية عبرها ، في مثالنا نلاحظ انتشار شوارد Na^{+} عبرها .
- وهلق منتقل عالمرحلة الثانية بالنقل بالمشبك الكيميائي يلي هي : ديوب

▲ توليد الكمونات بعد المشبكية ▲

- هلق وصل كمون العمل عالغشاء بعد المشبكي من خلال ارتباط النواقل العصبية الكيميائية بمستقبلاتها النوعية الموجودة بالغشاء بعد المشبكي المرتبطة بقنوات التيوبوب الكيميائية .
- تولد قلنا كمون عمل بس ياترا سؤالنا الخطير هالكمون تنبيهي أو تثبيطي؟؟
- استاذ شو قصدك
- قصدي يا صديقي انو مثلاً أوقات أنا بدي كمون تمل بعد مشبكي تنبيهي لحتى نبه خلية ما أو عضلة أو أنا بحاجة تنبيه بس مو كل الوقت هيك
- أوقات بحاجة ثبط عضلة بحيث مابدي شغلها لأنو إذا اشتغلت ممكن يضرني هالشي فبصير بدي كمون بعد مشبكي تثبيطي
- رح أعطيك مثال بس هالمثال فقط لنفهم مو مثال حقيقي يعني
- (انو أنا لما بروح عالمسبح لاسبح أنا بحاجة رخي حالي لفوش 🤔🤔 لهيك احتجت كمون بعد مشبكي تثبيطي
- طيب وقت بدي اسبح وانتقل ضمن المسبح من مكان لمكان بشغل عضلاتي كلها لهيك بحتاج كمون بعد مشبكي تنبيهي) مثال هادها 🤔🤔

اي استاذ هي الكمونات بتتشكل بشكل عشوائي؟؟
لا كل كمون عمل سواء تثبيطي أو تنبيهي بحاجة شوارد لحتى تشكل
بس كيف يتحدد نوع الكمون بعد المشبكي
قال بنوع الناقل العصبي الكيميائي (الشوكلاته)
وطبيعة المستقبلات النوعية للناقل العصبي (المطار)
ولهيك ممكن يكون تثبيطي أو تنبيهي
هلق رح نعمل مقارنة بين مشابك التنبيه ومشابك التثبيط

وجه المقارنة	مشابك التنبيه	مشابك التثبيط
النواقل الكيميائية العصبية	الغلوتامات والأستيل كولين في معظم حالاتهما.	حمض غاما أمينو بوتيريك، والغليسين.
أقنية التبريب الكيميائية التي يرتبط بها الناقل.	لشوارد الصوديوم أو لشوارد الكالسيوم اللتان تنتشران إلى الداخل.	لشوارد الكلور التي تنتشر إلى الداخل، أو لشوارد البوتاسيوم التي تنتشر إلى الخارج.
التبدل في الاستقطاب للغشاء بعد المشبكي.	إزالة استقطاب متدرجة لأن كمون الغشاء يتجه نحو حد العتبة	فرط استقطاب
الكمون المتشكّل وسبب تسميته.	كمون بعد مشبكي تنبيهي (EPSP)؛ لأنه يوجّه كمون الغشاء إلى حدّ العتبة.	كمون بعد مشبكي تثبيطي (IPSP)، لأنه يبعد كمون الغشاء عن حدّ العتبة.
شكل المنحنى على شاشة الأسيلوسكوب.	موجة للأعلى	موجة للأسفل

هاد بصم وانتبهولي ع أقنية التبريب الكيميائية والتبدل بالاستقطاب
كلو مهم
هلق منجي عالمرحلة الأخيرة بالنقل بالمشبكي الكيميائي

▲ تجميع أو تراكم الكمونات بعد المشبكية ▲

بتتجمع هالكمونات بعد المشبكية من نهايات أو نهاية قبل مشبكية لحتى يتشكل عنا كمون بعد
مشبكي (تنبيهي أو تثبيطي)



□□□

هلق وبعد ما تعرقنا على المشبكي الكيميائي وتعرقنا كيف طريقة النقل فيه هلق منتعرف على

● خواص المشبكي الكيميائي ✓

١_ **الإبطاء** : طبيعي لأنو بتتخفّض سرعة السيالة العصبية لبين ما يتحرر الناقل العصبي
ولبين ما ينتشر بالفالق المشبكي ولبين ما يرتبط بالمستقبلات النوعية ويتشكل كمون
بعد مشبكي وكذا فهي القصدة بدا وقت .


٢_ **القطبية** : شو يعني قطبية يعني نقل باتجاه واحد مثل مراحل حياتنا بتتميز بالقطبية انت
بتكون شب بعدين طفل بعدين ختير ما بصير تخلق ختير أو شب
نفس الشئ النقل من الغشاء قبل المشبكي للغشاء بعد المشبكي .

3_ **عمل المشبكي كمحول للطاقة** : طبيعي بحول الطاقة الكهربائية لكيميائية وبالعكس .

بتشكل كمون العمل (طاقة كهربائية) من خلال حركة الشوارد (طاقة كيميائية)

هي خالصين خواص المشبك الكيميائي 😊

هلوق مننقل عالفقرة الشوكلاته 😊



النواقل العصبية الكيميائية

رح نحكي وين بتشكل وكيف وكيف بأثر بالمشبك وأمثلة عنها ●

وين بتشكل : بتشكل قال إما بجسم الخلية أو بالزر الإنتهائي مباشرة

كيف ؟؟ بفعل أنظيمات نوعية

كيف بأثر بالمشبك ؟؟ يكون تأثيرو مؤقتاً

علل تأثيره مؤقت بالمشبك ؟؟

بسبب زوال النواقل العصبية بعد ما تؤدي دورها .

كيف بتزول ؟؟ إما بحلمتها بأنظيمات نوعية أو إعادة امتصاصها من قبل الغشاء بعد المشبكي وخلايا الدبق أو انتشارها خارج الفالق المشبكي .

أمثلة عنها : استيل كولين يلي بتحملة من قبل أنظيم كولين استيراز بتحملة ل كولين وحمض الخل

عنا رح ندرس بعض الأمثلة (الاستيل كولين _ الدوبامين _ غلوتامات _ العادة p) هلق رح نحكي كل واحد مكان افرازو ووظيفتو

النواقل العصبية مرت معاكون بالدرس ٣ عصبية ورح تمر بعدين ركزو من هلق :

الاستيل كولين :

من أين يفرز ؟؟ من الجهاز العصبي المركزي .

التأثير : له تأثير منبه في العضلات الهيكلية ، ويبطئ حركة عضلة القلب ، له دور مهم في الذاكرة ، ويؤدي البوتوكس المستخدم في عمليات التجميل لإزالة تجاعيد الوجه إلى تثبيط تأثير الاستيل كولين ثم إرخاء العضلات والبوتوكس سم (Toxin) بروتيني مستخرج من بعض الجراثيم .

الدوبامين :

من أين يفرز ؟؟ من المادة السوداء لجذع الدماغ وبكميات قليلة من لب الكظر .

التأثير : له تأثير مثبط ، ومنشط في الحالات النفسية والعصبية ، يزداد تأثيره بوجود النيكوتين والمواد المخدرة كالكوكائين .

قال شو بجيكون مثلاً : **علل لماذا نشعر بالقلق والاكتئاب عند محاولة الاقلاع عن التدخين؟؟**
 قال ياسيدي **لأنو النيكوتين بزيد الدوبامين ويؤدي الانقطاع عن التدخين بتناقص إفراز الدوبامين مما يعطي شعور بالحزن أو شعور معاكس لزيادة الدوبامين .**

يعني بس ندخن بزيد النيكوتين والنيكوتين بزيد السعادة 😊
 لهيك منحس بالسعادة وقت ندخن فلما نقطع الدخان منكون عم نخفض مستوى النيكوتين وبالتالي احساس مو سعادة 😊 ايززي ✂

الغلوتامات :

يفوز : من المسالك الحسية والقشرة المخية .

التأثير : تأثير منبه غالباً (يلي ما بيكتب غالباً راح نص العلامة) ورح تتذكروا هالجمله بس توصلو لدرس العين بعدين

المادة p :

التركيب : بيتيد مكون من 11 حمض أميني .

يفوز : من مسالك حس الألم في النخاع الشوكي .

التأثير : منبه وناقل للألم .



□□□

فقرة التحكم بالألم

رح نذكركون بالقاعدة الذهبية يلي أخذناها بالدرس الخامس 😊
 روحوا عليها شوفوها
 هلق سؤال بس تكون عند رفيقك وبعد ٥ دقائق من حط المتة فجأة بيوقع ابريق المتة الساخن عليك

كيف ياترى حسيت انت بالألم؟؟ 🙄🙄

هلق بالقاعدة الذهبية عرفنا انو عنا مستقبلات

هلق بالألم عنا مستقبلات الحس هي بتستقبل التنبيه والألم

يعني بتستقبل الألم وبتبعثو عشكل سيالات ألمية عالنخاع الشوكي بس توصل هالسيالات

عالنخاع بقوم النخاع شو بحرر؟؟

اي صح المادة p ، ماقلنا بتتحرر هالمادة بمسالك حس الألم بالنخاع الشوكي والمادة p بس

وصلت عالدماع بتدرك انت الألم وبتصير تتوجع

طيب كيف الدماغ بخفف أو بيمنع الألم؟؟ 🔍

لحتى نمنعو طبيعي بدنا شي يمنع المادة p انو توصل للدماغ قال ياسيدي الدماغ بيفرز مادتين يلي هنن الانكيفالينات والاندروفينات هذول المادتين بثبطوا تأثير المادة p .



كيف؟؟

قلنا عم تنقل السيالة الألمية مو صح؟ وهالانتقال منعرف عن طرق عصبونات من عصبون للتاني عبر نقل كمون عمل صح يعني السيالة الألمية هي كمون عمل بالنهاية . منتذكر بالمسلك الكيميائي كيف النقل؟

اي نفس الشي هالمواد (**الاندروفينات والانكيفالينات**) بتمنع تحرير شوارد الكالسيوم من الغشاء قبل المشبكي وبالتالي منع وصول السيالات الألمية عالدماغ . الشغلة سهلة ومابدا شي

بتتذكرو فقرة البالون يلي جواتو كرات شوكلاته؟

اي الحويصلات بمسلك الألم بتحوي ناقل عصبي يلي هو المادة p لما الدماغ بفرز الانكيفالينات والاندروفينات بمنعوا دخول شوارد الكالسيوم لجوا الغشاء قبل المشبكي . وبتتذكروا شوارد الكالسيوم كانت لما تفوت تدفع الحويصلات للغشاء قبل المشبكي مشان تحرر يلي جواتها من نواقل عصبية .

فهون ماعنا شوارد كالسيوم إذا؟

سلامتك مافي مادة p متحررة بالفالق ولا رح ترتبط بمستقبلاتا إذا؟؟

مافي كمون عمل بعد مشبكي إذا؟؟؟

مافي نقل ألم إذا؟ مافي ألم 🤔🔍

● بتتذكرو قلنا عنا المشابك نوعين؟

اي هلق رح ناخذ النوع الثاني




المشابك الكهربية

رح نقارنها بالمشابك الكيمائية خدولي هالجدول
مقارنة بين المشبك الكهربائي والمشبك الكيمائي:

وجه المقارنة	المشبك الكهربائي	المشبك الكيمائي
المكونات	بنيتان غشائيتان متناظرتان لخلايا متجاورة يفصلهما فالق ضيق، ترتبطان بوساطة قنيات بروتينية.	غشاء قبل مشبكي. فالق مشبكي. غشاء بعد مشبكي.
وجود الناقل الكيمائي	لا يحتاج	يحتاج
جهة نقل السيالة	باتجاهين متعاكسين	باتجاه واحد من الغشاء قبل المشبكي إلى الغشاء بعد المشبكي
السرعة	أكثر سرعة	أقل سرعة
مكان تواجدها في الجسم	بين الألياف العضلية للعضو الواحد، كالعضلة القلبية وعضلات الأحشاء.	بين نهاية محوار (الزر النهائي) لعصبون أول واستطالة هيولية، أو جسم أو محوار لعصبون ثان أو بين نهاية محوار عصبون وخلية مستجيبة عضلية أو غدوية.

انتهى الدرس السادس

الدرس السابع : وظائف الجهاز العصبي المركزي (1)

أخذنا بالدروس القبل أقسام الجهاز العصبي يلي بتكون من جهاز عصبي مركزي وجهاز عصبي محيطي وتعرفنا عليهن ومواقعن بهاد الدرس رح نتعرف عالوظائف  وظائف الجهاز العصبي المركزي يلي بتألف من الدماغ والنخاع الشوكي رح نتعرف على وظائف الدماغ ووظائف مكوناته يلي هنن مخ ومخيخ وجذع الدماغ والدماغ البيني .

خلونا هلق نركز على المخ  بداية الدرس عم يخبرونا انو عملو لشخص تصوير رنين مغناطيسي منعرفو كلنا لهاد



التصوير يلي بحطو المريض بدائرة وكذا بحطوا المريض بحقل مغناطيسي كبير ليش؟؟

قال ليكشفو عن نشاط منطقة بالدماغ من خلال التغيرات في تراكيز الأوكسجين بهي المنطقة

و عملوا تجربة انو صورو شخص بالرنين المغناطيسي وسمعوه أغاني محزنة

(أغاني لهاني شاكر )

المهم وشافو عالنتصوير انو في مكان بالدماغ صار فيه نشاط وكان اسم هالمكان اللوزة الدماغية أو اللوزة العصبية .

قالوا طالما في استجابة للموسيقا المحزنة تعو نجرب نسمع هالمريض موسيقا مفرحة .



حطولوا أغاني حلوة للمريض وبتفرح (لجورج وسوف و عمرو دياب مثلاً 🎵)
وأعادوا التجربة


اكتشفوا انو في نشاط بالدماع بمنطقة تانية اسمها النواة المتكئة وهي جزء من النوى القاعدية
يلي هي تجمعات من العصبونات توجد في عمق المادة البيضاء.

المادة البيضاء بالمخ مركزية بتتذكروا 😊

اي كيف منحفظ بصم ومامنسى المسؤول عن المشاعر
ح(ز) ن لو(ز)ة

الأميرين مشتركين بحرف الزاي ❤️ 🎵

الفرح 🎵 ضل النواة المتكئة 🎵



ب

هلق الجهاز العصبي المركزي الو ٣ مستويات رح ندرس وظائفون

المستوى العلوي : المستوى القشري 🔍

المستوى السفلي : الدماغ المهادي وجذع الدماغ والمخيخ 🔍

مستوى نخاع شوكي : 🔍

وبدرسنا رح نعوص بالقسم العلوي القشري 🧠

رح نشبه الأمر بالجوزة يلي ماكلها الجوزة بتشبه الدماغ 😊

المهم قبل ما نعوص بالوظائف بدي تعرفوا انو بعد شوي رح نذكر مناطق هالمناطق

موجودة بمكانين متناظرتين

لأنو المخ مثلاً عبارة عن نصفي كرتين مخيتين وبكل نصف موجود نفس المناطق عالنصف
يلي بقابلوا

بتتذكروا القاعدة الذهبية بالدرس ه 😊

تعو نحكيكون قصة مشان نفهم اي شي بصير اول شي لما نشوف صحن تفاح مثلاً بتلاقينا

مسكنا تفاحة وأكلناها 😊

ياترى شو صار وليش أكلنا التفاحة.


أول شي شفنا التفاحة بالمستقبل البصري يلي هو العين
 انتقل هالاحساس للدماغ عنطقة معينة هالمنطقة هي عطتنا الاحساس بالشوف بعدين منطقة
 تانية حدها صار فيها إدراك للشاي يلي شفناه يعني عرفنا انو هي تفاحة
 بعدين بعتلنا أوامر حركية بشكل منظم للعضلات لحتى نمسك التفاحة وناكلها باختصار ✍
 يعني أول منطقة بالدماغ حست بالتفاحة بس لسا ما عرفت شو هي
 تاني منطقة أدركت وقالتلنا هي تفاحة
 تالت منطقة صار فيها تحليل وتفسير أكثر وقالتلنا كلوها طيبة
 رابع منطقة بعثت أوامر حركية لايدنا لحتى نمسك وناكلا
 وكل منطقة موجودة بمكانين لأنو عنا نصفي كرة مخية 😊
 ♥️ الدرس عبارة عن (موقع ووظيفة وماذا ينتج) ♥️

وظائف قشرة المخ

عنا بقشرة المخ 3 باحات أساسية
 ١_ باحات حسية : مقسومة ل (حسية جسمية _ حسية بصرية _ حسية سمعية) وكل وحدة
 أولية وثانوية .
 ٢_ باحات محركة : (أولية وثانوية فقط) .
 ٣_ باحات ترابطية : (ترابطية جدارية قوية صدغية _ ترابطية أمام جبهية _
 ترابطية حافية) .
 ركزوا معي : حكينا قبل كل باحة الها دور
 تتلقى **الباحات الحسية** السيات العصبية الواردة من المستقبلات الحسية (سمع _ بصر _
 لمس _ ... الخ)
 بعدين بتقوم **الباحات الترابطية** بتفسير المعطيات الحسية الواردة ومعالجتها ومقارنتها
 بالمعلومات السابقة
 ثم تعطي استجابة بينما تصدر **الباحات الحركية** السيات نحو المنفذات .

★ مثلاً الطفل يلي أول مرة بشوف تفاحة بحس فيها وبعد شوي بياكلها بس ما بيعرف انو
 هي تفاحة أول مرة
 تاني مرة أهلو ومهاراتو بخبروه انو هي تفاحة وطيبة هالمعلومات بتتخزن بالباحات الترابطية
 لحتى مرة تانية بس حس بالتفاحة يصير إدراك انو هي تفاحة بياكلها فوراً ★

شوفولي خارطة المفاهيم والجدول ❤️ بختصروا الدرس



هلق عالجدول

ماذا ينتج عن الاستئصال أو التخریب	الوظيفة	الموقع	
يؤدي الاستئصال إلى الخدر في الجانب المعاكس للباحة المستأصلة وإذا حدث استئصال الباحت الحسية الأولية كلها يؤدي إلى الخدر العام	تستقبل السيالات الحسية من قطاع جسمي محدد من الجانب المعاكس من الجسم بسبب التصالب الحسي الجسمي	في الفص الجداري خلف شق رولاندو	الباحة الحسية الجسمية الأولية
يصاب بالعمه اللمسي (العجز عن تحديد ماهية ما يلمس)	الإدراك الحسي الجسمي	خلف الباحة الحسية الجسمية الأولية	الباحة الحسية الجسمية الثانوية
العمى (فقدان البصر) } انتبهوا العمى غير العمه {	تصل إليها الألياف العصبية البصرية القادمة من الشبكييتين بعد أن تتصالب أمام الوطاء تصالبا جزئياً ويتم فيها الاحساس البصري	في الفصين القفويين	الباحة البصرية الأولية

العجز عن تحديد ماهية ما يرى (العمه البصري)	الإدراك البصري (إذا شقنا لون معين منحس انو شقنا لون بالباحة البصرية الأولية ومنعرف انو هاللون مثلاً أحمر بالباحة البصرية الثانوية يعني ادركنا اللون أو الشكل أو ... بالباحة البصرية الثانوية)	في الفصين القفويين	الباحة البصرية الثانوية
فقدان السمع	تصل إليها الألياف العصبية السمعية بعد أن يتصالب العصب القفوي جزئياً في جذع الدماغ ويتم فيها الإحساس السمعي	في الفصين الصدغيين	الباحة السمعية الأولية
العجز عن إدراك الأصوات المسموعة	إدراك السمعي (مثل لما منسمع أغنية بتلاقينا فوراً حددنا لأي مطرب)	في الفصين الصدغيين	الباحة السمعية الثانوية
خسارة كبيرة في الفعاليات الحركية بالجسم	الفعاليات الحركية في الجسم ، حيث تشرف كل باحة أولية على تعصب عضلات الجانب المعاكس في الجسم بسبب التصالب الحركي	في الفص الجبهي أمام شق رولاندو مباشرة	الباحة المحركة الأولية
عدم تنسيق التقلصات العضلية (تصبح الحركة عشوائية وغير منتظمة)	تنسق التقلصات العضلية وتوجهها نحو حركة هادفة	تقع أمام الباحة المحركة الأولية	الباحة المحركة الثانوية

	إدراك معاني السيالات العصبية القادمة من الباحات الحسية الثانوية المجاورة	تشغل مناطق جميع الفصوص الثلاثة (الجداري والقفوي و الصدغي) عدا تلك المناطق التي تشغلها الباحات الحسية	الباحة الترابطية الجدارية القفوية الصدغية
حبسة فيرنكه (العجز عن إدراك معاني الكلمات المقروءة والمسموعة)	١_ تتلقى السيالات العصبية من جميع الباحات الحسية ٢_ تقوم بتحليلها و إدراكها ٣_ ترسل سيالات عصبية نحو الباحة المحركة إذا كان الأمر يتطلب إنجاز حركي ٤_ مسؤولة عن الإدراك اللغوي	تقع في الناحية الوحشية لنصف الكرة المخية الأيسر وسط باحة الترابط الجدارية القفوية الصدغية	باحة فيرنكه
عدم القدرة على تمييز تعابير الوجه والفن والموسيقا والرسم والرياضة (استئصال هذه الباحة ليس موجود بالكتاب لكن كتبها للإطلاع)	تميز تعابير الوجه وإدراك معاني الموسيقا والفن والرسم والرياضة	تقابل باحة فيرنكه في نصف الكرة المخية الأيمن	باحة الفراسة
يؤدي تخريب هذه الباحة إلى الحبسة الحركية العجز عن إنشاء الكلمات وتلفظها	تتلقى الفكر من باحة فيرنكه وتقوم بتحويلها إلى كلمات أي " النطق والتصورت "	تقع ضمن باحة الترابط أمام الجبهية	باحة بروكه

تقع في الناحية السفلية للفصين الجبهيين وإلى الأمام من الفصين الصدغين	لها علاقة بسلوك الشخص وانفعالاته ودوافعه نحو عملية التعلم	باحة الترابط الحافية
شبكة منتشرة من العصبونات الموجودة في الدماغ المتوسط والحدبة الحلقية	يعتقد أن له دور في النوم واليقظة	التشكيل المشبكي
التخريب يؤدي إلى السبات الدائم		

الآن رح احكي كم نقطة أساسين بالدرس وبعدا منختم ☆

● أنا لما بحس شي بايدي اليمين بروح الاحساس عالباحات والمراكز يلي بنصف الكرة المخية الأيسر والعكس صحيح .

📌 أهم شي نركز مكان التصالب وإذا التصالب جزئي أو كامل 📌
وهالشي بسبب التصالب الحسي

١_ **تصالب حسي جسمي** : اي شي بحسو بقسم جسمي اليسار بروح عنصف كرتي المخية اليمين والعكس .

التصالب تقريباً جاي من معنى صليب أو تقاطع مثلاً الألياف يلي بتنقل الإحساس بتتصالب يعني بتتقاطع بمنطقة ما وبسبب هالتصالب عم يروح احساسي يلي بلقطوا بنص جسمي اليمين لنصف الكرة المخية الأيسر والعكس .

٢_ **تصالب العصبين البصريين** : بدنا نركز وين موقع التصالب وإذا هالتصالب جزئي أو كامل

التصالب البصري موقعوا : **أمام الوطاء** ☆ تصالباً جزئياً

٣_ **التصالب السمعي** : يتصالب العصب القوقعي تصالباً جزئياً في **جذع الدماغ**.

● عنا شغلة انو المراكز العصبية المسؤولة عن الشعور بالألم غير المراكز العصبية المسؤولة عن تحديد مكان الألم وصفته .

✍ **المراكز المسؤولة عن الشعور بالألم** :
التشكيل المشبكي والمهاد .

(شعور = تشكيل = مشبكي) كل هذول بشاركو بحرف الشين هيك منحفظ 😊

✍ **المراكز المسؤولة عن تحديد مكان الألم وصفته** :

القشرة المخية وخصوصي الباحات الحسية الجسمية .

● أخذنا شي اسمو العمه و هاد العمه هو احساسنا بالأشياء و عدم إدراكها يعني مثلاً لما منلمس قلم أو تفاحة منحس انو في شي عم نلمسو بس ما منعرف شو هاد الشي هاد عمه لمسي .

بشكل عام العمه بصير من تخريب باحة ثانوية سواء حسية أو بصرية أو سمعية . اي يعني الباحة الأولية نظامية وقلنا الأولية دوماً للإحساس والثانوية إدراك العمه البصري مثلاً غير العمى

العمه البصري : عدم إدراك السجلات يلي منشوفا يعني منشوف تفاحة بس ما منعرف شو هي و هاد بيحي من تخريب الباحات البصرية الثانوية .

العمى : عدم القدرة على النظر فقدان البصر و هاد بجي من تخريب الباحة البصرية الأولية ونفس الشي بين فقدان السمع و العمه السمعى . دائماً العمه عدم القدرة على الإدراك هي كم صورة ختامية للدرس :

ماذا ينتج عن تخريب كل من :

1- الباحات البصرية الثانوية ؟


العمه البصري Visual agnosia

(حيث يرى المصاب الأشياء بوضوح لكنه لا يفهم ماهيتها) .

2- الباحات السمعية الثانوية ؟


العمه السمعى Auditory agnosia




(حيث يسمع المصاب محدثه بشكل جيد , لكنه يكون عاجزاً عن إدراك ما يسمع) .



الدرس الثامن : وظائف الجهاز العصبي المركزي (2)

بعد ماخلصنا وظائف المستوى العلوي من الجهاز العصبي المركزي يعني وظائف قشرة المخ

هلق منغوص شوي بالمخ  هلق منغوص شوي بالمخ
رح نقسم أدوار المخ ل ٣ أدوار رئيسية :

- ١_ دور المخ في الحس 
- ٢_ دور المخ في الحركات 
- ٣_ دور المخ في التعلم والذاكرة 

☆ دور المخ في الحس ☆


يعني نجنا لما منلمس شي كيف منحس فيه ؟

كيف حتى منعرف شو هالشني ؟

هلق بالبداية عنا لكل نوع من الإحساسات عنا مستقبلات شكل وتوضع عصبونات شكل
للوصل للدماغ وهيك **عنا نوعين من المسالك :**

 **مسالك لحس (اللمس الخشن والألم والحرارة)**

 **مسالك لحس (اللمس الدقيق والاهزاز والحس العميق)**

كل مسلك الو توضع عصبونات والو تصالب بمكان مختلف 
التصالب قلنا X إذا لمسنا بايدنا اليسار بروح الإحساس عالقسم الأيمن من المخ وإذا لمسنا
بالأيمن بروح الإحساس عالقسم الأيسر بسبب التصالب X
هلق المسلكين بينتهوا بالباحات الحسية الجسمية بالقشرة المخية
هلق بجي السؤال ممكن رتب أو موقع أو مكان تصالب

★ إذا طلب ترتيب مركز الإحساسات التالية نتبع الخطوات نفسها (اللمس الدقيق) _

الاهتزاز _ الحس العميق) وهي :


العصبون الأول يقع جسمه في العقدة الشوكية

← العصبون الثاني يقع جسمه في البصلة

السيسانية ← العصبون الثالث يقع جسمه في

المهاد .

❖ مكان التصالب : البصلة السيسانية .




★ مسلك حس (اللمس الخشن _ الألم _ الحرارة) :-

العصبون الأول يقع جسمه في العقدة الشوكية

← العصبون الثاني يقع جسمه في النخاع

الشوكي ← العصبون الثالث يقع جسمه في

المهاد .



مستقبلات إحساسات اللمس الخشن والألم والحرارة

بشكل عام الألياف العصبية الحسية الصاعدة في النخاع الشوكي بتعبر جميع حبال النخاع الشوكي .

ركزولي عجميع حبالو للنخاع

يعني (الحبلان الخلفيان _ الحبلان الأماميان _ الحبلان جانبيين)

يعني الألياف الحسية بشكل عام خلونا نبلش فيها من عند المستقبل الحسي بتطلع عالنخاع الشوكي بتمر بكل الحبال وبعدين بتتصالب

إما كلياً مثل (الألياف اللمسية يلي أخذناها)

إما جزئياً مثل (تصالب العصبين البصريين أو العصب القوعي)

بعد ما تتصالب بتروح عنصف الكرة المخية المعاكس

إذا لمسنا شي بقسم جسمنا اليمين بروح الليف العصبي عنصف الكرة المخية الأيسر والعكس .



☆ دور المخ بالحركات ☆

بعد ما صار احساس بالأشياء وقامت الباحات الترابطية بتفسيرها وتحليلاً يعني يحدث

النشاط المخي في الباحات الترابطية 😊


هلق صار دور الحركة بتقوم القشرة المخية بإصدار أوامر حركية بس الأوامر الحركية بالقشرة المخية بتتصدر أو بتطلع من عصبونات معينة يلي هي

{ العصبونات الهرمية بالباحات المحركة }

قال السبيل القشري النخاعي هو مسلك الحركة نفسو

قال يصدر السبيل القشري النخاعي عن العصبونات الهرمية في قشرة المخ

(وأساساً أخذنا بالدرس الثاني عصبية انو كل عصبونات قشرة المخ هرمية 😊)



المهم في أثناء نزوله يشكل السويقتين المخيتين في الدماغ المتوسط ثم يشكل الأهرامات في البصلة السيسانية ثم يتابع نزوله عبر الحبلين الجانبيين والحبلين الأماميين للنخاع الشوكي لتصل أليافه إلى مستويات من القرون الأمامية للنخاع الشوكي وعند القرون الأمامية بشكل مشابه مع العصبونات النجمية (منعرف انو القرون الأمامية للنخاع الشوكي عصبونات نجمية) وبعدين بتنتقل السيالة المحركة عبر محاوير العصبونات إلى العضلات المستجيبة وهيكل بتشكل الفعل الحركي .

بس السبيل القشري النخاعي (أو مسلك السيالات الحركية) يتألف من مسلكين بتصالب واحد منن بالبصلة السيسائية والتاني بالنخاع الشوكي وبنتهوا المسلكين بسويات القرون الأمامية للنخاع الشوكي
 بس لاحظنا شغلة انو بكل هالسبيل مافي غير مشبك واحد بالقرون الأمامية للنخاع الشوكي مع العصبونات النجمية

قال شو فائدة انو ماعنا غير مشبك واحد بس ؟
الفائدة اكتساب الحركة الارادية سرعة ومهارة .

لأنو نحن منعرف قبل انو المشابك بتمتاز بالإبطاء (أخذناها بخواص المشبك بالدرس ٦)

مفارقة : الألياف الحسية الصاعدة للدماغ تعبر جميع حبال النخاع الشوكي الألياف المحركة النازلة تعبر الحبلين الجانبيين والحبلين الأماميين للنخاع الشوكي فقط .
 □□□



☆ دور المخ في التعلم والذاكرة ☆

معلومة لطيفة للحفظ : يحوي المخ (100 مليار) عصبون تقريباً ويربط بينها

(ترليون) مشبك في كل (1 سم³)

هلق شو هي المرونة العصبية 😊

تعو أعطيكون قصة

نحننا هلق بس نفتح فيس ونروح نقلب بمنشوراتنا القديمة

ولما منشوف منشوراتنا با ٢٠١٦ بتصيروا تضربوا حالكون 😊 😊 وتحسوا حالكون

أغبياء 😊 لسا الواحد فينا منزل صورة عصفور وصباح الخير وورد 😊 😊

طيب سؤالي العلمي ليش حسينا بالندم أو حسينا بالغباء

قال ياسيدي لأنو تغيرت سعة جهازنا العصبي ومداركنا توسعت ومخنا كبر حتى ازدادت سعة

المشابك بين العصبونات

هي هية المرونة العصبية أو التكيف العصبي

قال : يمكن تعديل الارتباطات (المشابك) بين العصبونات ، ومن ثم تغيير سعة الجهاز

العصبي كاستجابة لنشاط العصبونات اي تقوي الارتباطات بين العصبونات أو تضعف حسب

درجة النشاط بينها .

هلق لفقرة الذاكرة والتعلم 🔍

يتم تنظيم الذاكرة في دماغنا في ٣ مراحل :

الذاكرة الحسية .

الذاكرة قصيرة الأمد .

الذاكرة طويلة الأمد .

١_ **الذاكرة الحسية** : هي الذاكرة بتسجل الانطباعات يلي بتستقبلها حواسنا (سمع _ بصر _ شم _ ..)

✂ وتتستمر أجزاء من الثانية

✂ مثل لما منطلع على صورة ونامض عيوننا بتصل الصورة بمخنا أجزاء من الثانية وبتروح وبتختفي .

2_ **الذاكرة قصيرة الأمد** :

✂ تستمر 20 ثانية أو أكثر

✂ هالذاكرة بما أنو قصيرة أمد فمستقبلها إما تزول أو تتحول لذاكرة طويلة الأمد .

3_ **الذاكرة طويلة الأمد** :

✂ تستمر مدى الحياة وتقاوم الضمور أو الاضمحلال (الزوال)

بتقاوم الزوال يعني بدرجة كبيرة

✂ تستمر لمدة طويلة الأمد

✂ مثل نحننا مثلاً لسبب ما قررنا نسكن بمكان آخر غير حارتنا إذا غبنا 20 سنة عن الحارة

بس نرجع عليها رح نعرف نمشي فيها ونعرف الطرقات بالحارة لأنو تخزنت هالأماكن بالذاكرة طويلة الأمد .



□□□

أين تنشأ الذاكرة ؟ سؤال هام

تنشأ الذاكرة سواء طويلة أمد أو قصيرة أمد عند **المشابك**

علل تعد المرونة العصبية أساسية في تشكيل الذكريات ؟

لأن الذاكرتين الطويلة الأمد والقصيرة الأمد تنشأن عند المشابك ؛ / فينا نكفي / إذ تتشكل مشابك مؤقتة في تليف الحصين في أثناء الذاكرة القصيرة الأمد بينما تتحول إلى روابط (مشابك) دائمة في القشرة المخية في الذاكرة طويلة الأمد .



✂ بس بنتشكل مشابك (مؤقتة) بمنطقة اسمها

تليف الحصين عند الذاكرة (قصيرة الأمد)

✂ وبتتحول لمشابك (دائمة) في القشرة المخية

عند الذاكرة طويلة الأمد .

(يعتقد انو هاد التحول من المشابك المؤقتة للمشابك

الدائمة قال يعتقد انو هالشي بصير أثناء النوم)

علل أهمية النوم في تشكيل الذكريات ؟


لأنه تتشكل مشابك مؤقتة في تلفيف الحصين في أثناء الذاكرة القصيرة الأمد ، بينما تتحول إلى روابط (مشابك) دائمة في القشرة المخية في الذاكرة طويلة الأمد ويعتقد بأن ذلك يحدث أثناء النوم .



□□□

هلأ أخذنا موقع جديد بدنا نتعرف عليه :

تلفيف الحصين



المدر

التركيب والشكل : جزء متطاول من مادة سنجابية نهايته الأمامية متضخمة .

الموقع : يمتد في أرضية البطنين الجانبي لكل من نصفي الكرة المخية .

الوظيفة : يعد الحصين ضروري لتخزين الذكريات (الجديدة وليس الاحتفاظ بها) يعني

بتوصل الذكريات لتلفيف الحصين (مو قلنا بتشكل مشابك مؤقتة) يا بتتحول لذاكرة طويلة الأمد يا إما بتروح وبتزول .

الحصين ما بيحتفظ بالذكريات

سؤال دورة : ماذا ينتج عن ضرر في تلفيف الحصين ؟

لا يستطيع الشخص المصاب تشكيل ذكريات جديدة دائمة ويتذكر الأحداث التي جرت قبل إصابته .

مفارقة هامة جداً جداً

موقع تلفيف الحصين : في (أرضية) البطنين الجانبي لكل من نصفي الكرة المخية .

موقع الجسم المخطط : في (قاعدة) كل بطين جانبي .

انتهى الدرس الثامن

الدرس التاسع : وظائف الجهاز العصبي المركزي (3)

بالدرس السابع قسمنا الجهاز العصبي المركزي ل ٣ مستويات وقلنا رح نتعرف لوظائف كل مستوى يلي هنن :

1_ مستوى الدماغ العلوي : القشرة المخية .

٢_ مستوى الدماغ السفلي : الدماغ المهادي وجذع الدماغ والمخيخ .

٣_ مستوى النخاع الشوكي

بالدرس السابع أيضاً درسنا وظائف قشرة المخ والباحات بالتأمين كفيينا بوظائف المخ وأدوارو

وهلق بالتاسع رح نتعرف على وظائف مستوى الدماغ السفلي (دماغ مهادي _ جذع دماغ _ المخيخ)

بالإضافة لوظائف النخاع الشوكي ❤️

❁ وظائف الدماغ البيني (المهادين _ الوطاء) : ❁

١_ المهاد : المهاد يا أصدقائي مثل قسم السكرتاريا بأي مكان

والمهاد مافي شي بيطلع عالمخ (اي شي بيطلع حسي أكيد) إلا وييعرفوا وعندو علم بكلشي وبنظم الأمور متلو مثل السكرتيرة

لهيك له دور في تنظيم الفعاليات القشرية (الحسية)

وذلك بتحديد وتسهيل وتنظيم السيات العصبية الصاعدة عالقشرة المخية .

٢_ الوطاء : (عريف الصف والمسؤول عن كثير شغلات) له دور في تنظيم حرارة الجسم وفعالية الجهاز العصبي

❖ يحوي مراكز الشعور بالعطش والجوع والخوف

❖ يتحكم بالنخامية الأمامية وذلك من خلال إفراز عوامل الإطلاق ويتحكم بالجهاز العصبي الذاتي

(الوطاء مرتبط بالغدة النخامية عصبياً ودموياً رح نتعرف بعدين هالشوي)

❁ (حتى الوطاء ارتبط وانت لساتك سنغل بانس)



✨ وظائف جذع الدماغ (دماغ متوسط _ حلبة حلقيه _ بصله سيسائية) ✨

حفظ جدول الكتاب حرفياً ❤️ رح حاول سهلوا عليك لكن اتمنى دراستوا وفهموا جيداً للجدول :

ثالثاً: وظائف جذع الدماغ:

البصلة السيسائية وتضم:		الحلبة الحلقيه وتضم:		الدماغ المتوسط ويضم:	
المادة البيضاء	المادة الرمادية	المادة البيضاء	المادة الرمادية	السويقتين المخيتين	الحلقات التوعمية الأربعة
طريق لنقل السائلة العصبية الحسية الصاعدة والمحركة الصادرة عن الدماغ.	مركز عصبي انعكاسي لتنظيم الفعاليات الذاتية: مثل حركة القلب والتنفس والبلع والسعال والضغط الدموي.	طريق لنقل السائلة العصبية بين المخ والمخيخ.	مركز عصبي انعكاسي يعمل بالتعاون مع مراكز في البصلة السيسائية للسيطرة على معدل التنفس وعمقه.	تتكون من مادة بيضاء تشكل طريقاً للسيالات المحركة الصادرة عن الدماغ.	مركز تنظيم المنعكسات السمعية (دوران الرأس نحو الصوت) والبصرية (دوران كرتي العين نحو الضوء).

🧠 هلق قاعدة 🧠

□ كل مادة بيضاء تعد (طريق) لنقل السيالات العصبية من مركز عصبي إلى آخر .

♥ كل مادة رمادية تعد (مركز عصبي) لتنظيم فعاليات محددة .

مثال " عند السؤال عن المركز العصبي المسؤول عن البلع .. يكون الحواب (حرفياً) :

في المادة الرمادية للبصلة السيسائية ✓

وليس فقط البصلة السيسائية ✗

لسهولة الحفظ ليس إلا 😊👉👉

الحلقات التوعمية الأربعة مو هي ٤ ؟؟

اي مرتبطة بالسمع والبصر (عندك عينتين وأذنتين)

2 عين ... 2 اذن 😊👉 لسهولة الحفظ فقط

الحذبة الحلقية :

● المادفة البفضاء لها : طريق لنقل السفالة العصبفة بفن المخ والمخفخ (مشفركفن بحرف الخاء)

الحذبة الحلقية : (مشفركفن بحرف الحاء)

المادفة الرمادفة بصمها ما لقفنلك تسهفل

البصلة السفسائفة :

● المادفة الرمادفة : البصل مففد للقلب والنفس و بلع وسعال وضغط

المادفة البفضاء : منعرف البفضاء دوما طريق

والبفضاء بالبصلة طريق لكلفشف (حسف طالع أو حركف نازل)

حاولت كقففر سهلون عفك بقف تبصم وتفهم



وظائف المخفخ

بالبدافة عنا خلافا بالمخفخ منعرفا قفل هف خلافا بوركنج أؤدنا قفل شكل العصبونات ففها متعددة القطبفة وأؤده شكل هرمف شو بفساوف هالخلافا ؟؟

قال بففنلقف السفالات العصبفة الحركفة القادمة من القشرة المخفة (من البافات المحركة) و بففنقارن هالسفالات الحركفة مع سفالات عصبفة حسفة قادمة لها من المسففبفات الحسفة (الحواس الخمسة)

و بففنسق الوضع بفناتون و بففكامل المعلومات و بفعدفن بففعطفنا حركة دقفقة بففامن فوازن الجسم أثناء الحركة و السكون .

(فرضاً) هف مثل محطة بففسففبف سفالات محركة من القشرة المخفة وسفالات حسفة من المسففبفات الحسفة

و بففرتبف هالمعلومات ببعض بففعطفنا حركة دقفقة و مففوازنة .

أنا لما بدف قوم امشف المسففبفات العفن و اللمس و الخ

بففبعت اشفارات لبوركنج و البافات المحركة بففبعت حركات عفلى بوركنج

بوركنج بففسق بفنون و بففعطفنا فوازن لما منمشف

مو بس هفك قال ببفضبف الفعالفات العضلفة السرفعة انعكاسياً مثل السبافة و قفافة الدرافة .

● بس فسوفو كلمة انعكاسف عفنف بدون إرادة الإنسان

عفنف الفعالفات السرفعة فلف ما منحتاج نلكر ففها كقففر أثناء الحركة

مثلاً لما واحد ما بفعرف فسوق سفارة بقعد حد الشوففر بففحس الشوففر ماعم فطلع عالغفارات أو

عالحركات بففحسو بفعملها بلا و عف و بشكل منظم



وظائف النخاع الشوكي

مثل ما قلنا المادة الرمادية مركز عصبي لفعاليات معينة والمادة البيضاء طريق بمادتها الرمادية مركز عصبي (انعكاسي) لمنعكسات التعرق _ مشي لا شعوري _ الأحمصي (لما حدا بكركر جرياتنا بتلاقي أصابع جرياتك انقبضوا) . مادتها البيضاء طريق لنقل السيالات الحسية الصاعدة والحركية النازلة (الصادرة) عن الدماغ مثل المادة البيضاء للصلة السيسائية 😊



□□□

هلق عنا عضويين مهمين رح اشرحون بشكل (موقع _ وظيفة)

النوى القاعدية

موقع: تقع في مستوى الدماغ البيني وإلى الجانب الوحشي لكل مهاد ومنها ، الجسمان المخططان .

وظيفة: هي بنى عصبية تعمل بالتعاون مع القشرة المخية المحركة والمخيخ للتحكم بالحركات المعقدة .

الجسمان المخططان

موقع: قاعدة كل بطين جانبي (أخذناه بالدرس الأول)

وظيفة: مرحلة لمرور الحزم المحركة النازلة من القشرة المخية إلى المراكز العصبية في الدماغ المتوسط وهما ضروريان لحفظ توازن الجسم والحركات التلقائية (السير / الكلام / الكتابة) .




□□□

هلق شرح شوي

الجانب الوحشي شو يعني؟؟


يعني مثل الجانب يلي بعيد عن منتصف الجسم شوفو الصورة



هي الخط بيقسم الجسم لقسميين متساويين اي شي بيوقع للخارج أو بعيد عنو منقلو بيوقع بالجانب الوحشي وحتى فينا نقارن الأعضاء مثلاً

الأذن بالجانب الوحشي بالنسبة للعين أو الايد بالجانب الوحشي بالنسبة للقلب يعني الأبعد عن منتصف الجسم وحشي

وهي صورة لموقع الجسمان المخططان
الدوائر الخضر الصغيرة تحت البطينين الجانبيين




ر ديبوب

انتهى الدرس التاسع

الدرس العاشر : الفعل المنعكس

بمقدمة الدرس حكوأ شغلة حلوة ومثال كتير قوي للدرس
قال ليش الطفل الصغير كيف بقدر يرضع من أمو مع انو شي خلقان انو كيف عرف يرضع
ولسا ما ببيعرف شي بالحياة .
الجواب انو هاد فعل انعكاسي 😊 أخذنا قبل بس نشوف كلمة انعكاسي يعني بدون إرادة .
قال شو هاد الفعل الإنعكاسي
هو استجابة سريعة تلقائية من الجسم لا إرادية
تعليق هام علل ليش لا إرادية؟؟
لأنو حدث دون تدخل قشرة المخ .
ويقع المركز العصبي المسؤول عن الأفعال الإنعكاسية بالنخاع الشوكي أو
البصلة السيسائية 😊
أخذنا وظائفون بالدرس ٩ راجعون منيح
تمبو تجربة العلماء عضفدع صغرون 🤖 كالعادة بتقاو عالضفدع
المهم جابو ضفدع وخربوا مخو
وحطولو اجرو بحمض الخل بتركيز معين (منبه كيميائي)
لاحظوا بعد فترة صغيرة انو اجرو لهاد الضفدع لاقوها تقلصت أو عملت استجابة مع انو مخ
هالضفدع منزوع كيف صار هيك؟؟
صار بفعل اسمو الفعل المنعكس وحدث هالفعل دون تدخل القشرة المخية لهيك هو لا إرادي
المركز العصبي المسؤول عن الفعل المنعكس للضفدع هو النخاع الشوكي 😊
طيب عنا مصطلح جديد
قال مو صار في استجابة معناها أكيد انتقلت سيالات عصبية عالنخاع الشوكي والنخاع بعت
أوامر حركية عالعضلة مشان تتقلص أو تعطي رد فعل
سموا العلماء مجموعة العصبونات (الخلايا العصبية) يلي شكلت مسار السيالة العصبية أثناء
حدوث المنعكس
يعني العصبونات يلي نقلت الاحساس عالنخاع والعصبونات يلي نقلت الحركة عالعضلة
سمو هالطريق **القوس الإنعكاسية**
ليش قوس؟؟
هلوق رح نشوف شكل انتقال السيالة صار بشكل قوس 😊

رح نشوف سوا هالصورة بس لنشوف شكل القوس بعدين منتعمق بأنواع الأقواس الانعكاسية



أنواع الأقواس :

1_ أقواس وحيدة المشابك

2_ أقواس ثنائية المشابك

3_ أقواس عديدة المشابك

رح احكيلكون القصة باختصار

لما مثلاً حطينا اجر الضفدع بحمض الخل يعني نبهنا الضفدع استقبل التنبيه احد المستقبلات الحسية بالجلد وانتقل التنبيه بشكل سيالة عصبية عالنخاع الشوكي والنخاع أصدر أوامر حركية على شكل سيالة عصبية حركية عالعضلة لحتى تتحرك أو تعطي رد فعل طبعاً كل هألشي بلا إرادتنا لأنو لحد الآن ما قلت انو تدخلت القشرة المخية انتقلت السيالة العصبية الحسية عبر أي جذر للنخاع الشوكي بتعرفوا؟؟

اي استاذ أخذناها بالدرس الأول صفحة ١٧

الجذر الخلفي للنخاع الشوكي حسي (يلي فيه عقدة شوكية)

والجذر الأمامي محرك 😊

فانتقلت السيالة عالنخاع عبر الجذر الخلفي

بالنخاع بتحدد نوع القوس

كيف استاذ؟؟

قال إذا ارتبط العصبون الحسي مع العصبون

الحركي فوراً

اجباري بدنا مشبك بيناتن (مشبك كيميائي أخذنا

بالدرس ال ٦)

فهاد قوس وحيد المشبك لأنو ما استخدمنا غير

مشبك واحد بين العصبون الحسي والعصبون

الحركي

(عصبونين بس حسي وحركي بيناتن مشبك)




طيب بالنخاع إذا ارتبط العصبون الحسي مع عصبون بيني بعدين مع عصبون محرك هيك استخدمنا مشبكين و ٣ أنواع عصبونات

(حسي _ بيني _ حركي)

هاد قوس ثنائي المشبك

وممكن العصبون الحسي يرتبط بأكثر من عصبون بيني وبعدين محرك هيك عنا قوس عديد المشابك



بخصوص القوس الأسرع

القوس يلي فيه أقل عدد مشابك هو الأسرع 😊 😊

أخذنا بالدرس السادس خواص المشبك يتمتع بالإبطاء لهيك كل مازاد عدد المشابك بتقل السرعة والعكس صحيح .



□□□

المنعكس الضاغصي

هلق عنا منعكس كتير منعرفو وكثير بصير معنا

يلي هو المنعكس الضاغصي (لما منقرع الركبة)

لما بجي دكتور أو مو دكتور 🚑 وينقرنا بمطرقة طيبة تحت ركبتنا بشوي (وتر العضلة أسفل عظم الرضفة يلي هي الضاغصة)

ملاحظ فوراً اجرنا نفضت أو تحركت لقدام بلا إرادة 😊

تعو نشوف شو صار

هاد بيحي ترتيب مراحل أو مواقع أو ماذا ينتج أو وظيفة لهيك هام جداً

هلق رح نحكي بالعامية شو صار بعدين منشوف الحكي النظامي

بدنا نعرف شغلة عضلة رباعية الرؤوس هي العضلة العلوية بالفخذ وعضلة الأوتار

المأبضية عضلة سفلية بالفخذ

أول شي نقرنا على وتر العضلة رباعية الرؤوس مين التقط هالتنبيه؟؟

التقط التنبيه المستقبلات الحسية الموجودة ضمن العضلة رباعية الرؤوس قام شكلت كمون

عمل نقلتو ابر العصبون الحسي عالنخاع الشوكي

بالنخاع بهي التجربة عنا قوسين انعكاسيين

يعني تخيل العصبون الحسي بالنخاع الشوكي انقسم قسمين

بالقسم الأول ركزو معي العصبون الحسي نقل التنبيه عالعصبون الحركي والعصبون الحركي

نقل الأوامر الحركية عنفس عضلة رباعية الرؤوس

يعني قوس وحيدة مشبك مو صح؟؟

من عصبون حسي لعصبون حركي للعضلة نفسا رباعية الرؤوس

ولسا ما خلصنا كمان العصبون الحسي رجع ارتبط بعصبون بيني والعصبون البيني بالحركي بس هو العصبون الحركي ما نقل أوامر حركية هالمرة قال ليش؟؟
قال لأنو العصبون البيني ثبت انتقال السيالة العصبية بتشكيل شي اسمو (Ipsp) يلي هو الكمون بعد المشبكي التثبيطي بالعصبون الحركي
والعصبون الحركي هالمرة ما راح عالعضلة رباعية الرؤوس راح عالعضلة التحتها يلي هي الأوتار المأبطية وقلنا العصبون الحركي تثبط يعني مافي حركة بعضلة الأوتار المأبطية يعني تثبط تقلصها
وهيك اندفعت ساقنا لقدام

منرجع نعيد

التقطت التنبيه المستقبلات بعضلة رباعية الرؤوس

نقلت التنبيه عبر العصب الحسي عالنخاع

بالنخاع انقسم هالعصبون الحسي لقسمين

قسم ارتبط بعصبون حركي فوراً ونقل أوامر حركية عالعضلة العلوية يلي هي رباعية

الرؤوس بالفخذ

والقسم الثاني ارتبط بعصبون بيني بعدين عصبون حركي

والعصبون البيني افراز مادة (Ipsp) بالعصبون الحركي وهي المادة تثبطت انتقال السيالة


وبالتالي العصبون الحركي هون ما نقل سيالة عالعضلة التحتانية بالفخذ يلي هي الأوتار

المأبطية

فعضلة رباعية الرؤوس تحركت والأوتار المأبطية تثبط تقلصها لهيك اندفعت الساق لقدام

وطبعاً هالعملية صارت بنفس الوقت

شوفولي هالصور



هلق بالفصحي :

- ١_ النقر على وتر العضة رباعية الرؤوس .
- ٢_ تلتقط المستقبلات الحسية في العضة رباعية الرؤوس التنبيهات وترسلها عبر العصبون (الحسي) إلى النخاع الشوكي .
- ٣_ يقوم العصبون الحركي بنقل الأوامر الحركية للعضلة رباعية الرؤوس ، بعد معالجة المعلومات في النخاع الشوكي .
- ٤_ يقوم العصبون البيئي بتنشيط انتقال السيالة عن طريق تشكيل (Ipsp) في العصبون الحركي .
- ٥_ يتم تنشيط تقلص عضلة الأوتار المأبطية ، لتعكس بعملها العضة الرباعية الرؤوس ، فتدفع الساق نحو الأمام .



□□□

هلق سؤال شو فائدة هالمنعكس بالطب

ليش في دكاترة أعصاب بس نروح عليهمون بفحصونا بهيك طريقة؟؟
قال المنعكس الضاعصي مهم للتأكد من سلامة النخاع الشوكي والأعصاب الشوكية بالمنطق انت بدك تتأكد انو هالسيارة (بلا تشبيهه 🚗) انو شغالة بدك تحط مفتاح السيارة وتدعس بنزين
إذا مشت السيارة فهي شغالة وسليمة
طبعاً مجرد تشبيهه

هلق شو ميزات الفعل المنعكس *

- ١_ غرضي هادف لإبعاد الأذى عن جسم الكائن الحي غالباً .
(مثلاً لما نقرب ايدينا من شمعة أو نار فوراً منشيل ايدينا بلا وعي ولا إدراك ولولا هالشي منحترق بلا ما نحس ولا نعمل شي يعني ردة الفعل هي تشيل ايديك لولا الفعل المنعكس ضلت ايديك واحترقت)
- ٢_ بتتمتع بالرتابة ، أي يستجيب بالصورة ذاتها تحت تأثير المنبه ذاته .
(يعني مثلاً الفعل المنعكس الضاعصي خلص معروف انو بس ننقر وتر عضلة رباعية الرؤوس معروف رح تنفض اجرنا أو تتحرك للأمام يعني نفس الاستجابة لنفس المنبه)
- 3_ عرضة للتعب ، بسبب نفاذ النواقل العصبية من الغشاء قبل المشبكي نتيجة الاستخدام الزائد وعدم وجود آليات سريعة لتعويضها **مهم كتعليق وسؤال**
- ٤_ تترافق المنعكسات أحياناً بإحساسات شعورية ؛ لأن قسماً من السيالات العصبية الحسية يصل إلى قشرة المخ .

لما منحط ايدينا عشمعة منحس بألم صح؟؟

لأن قسم من السيالات الحسية بروح عالقشرة المخية دائماً القشرة للاحساس الشعورية والإرادية والنخاع للإحساس والشعور الإرادي فمنحس بألم أوقات .

وهاد السؤال مهم جداً جداً

هلق الفعل المنعكس الشرطي

شوفولي هالصور وتبعوا مع الصورة :



بالصورة الأولى : قدم للكلب قطعة لحم شاف الكلب بلش يفرز لعاب يعني حتى نحن إذا شميننا أو شفننا لحمه منقول (شط ريالتنا 🙌) يعني شي طيب وكذا نفس الشئ الكلب شط ريالو لما شاف اللحمه .

بالصورة الثانية : شال اللحمه وجاب جرس ونو للجرس أكيد الكلب مارح تشط ريالتو يعني طبيعي تخيل حدا عم يرن بجرس قدامك اي وين المشكله ما صار إفراز لعاب ولا شط ريالتنا .

بالصورة الثالثة : جاب جرس وجاب لحمه ورن الجرس وقدمنا اللحمه شاف الكلب اللحمه وسمع الجرس فشطت ريالتو .

يعني رح نسمي الجرس منبه محايد واللحمه منبه أولي الكلب أول ماشاف اللحمه شطت ريالتو طبعاً شاف لحمه وسمع جرس .

بالصورة الرابعة : جاب جرس ورنو قام لاقى الكلب شطت ريالتو فهون انصدم قال ليش قبل رنينا الجرس ما شطت ريالتو يعني ما أفرز لعاب وهلق أفرز لعاب اي هون استنتجنا

انو عند الكلب منعكسين

منعكس غريزي ومنعكس شرطي

شرطي يعني مشروط بوجود شئ ما

الغريزي يعني بفطرة الكلب وطبيعتو للكلب انو بس شاف لحمه يفرز لعاب

شرطي لما سمع صوت الجرس شط ريالو
يعني منبه محايد فقط خلا الكلب يشط ريالو
يعني مثل كأنو علم الكلب بس تسمع جرس في أكل
لهيك بالصورة الرابعة شط ريالو لأنو تعلم من الصوة ٣ انو الأكل مشروط بالجرس .
رح قلكون مثال نحن قبل مانروح عالمدرسة لما يرن أي جرس عادي مامنعمل شي
لما رحنا عالمدرسة بس تصير الحصة الأخيرة يرن الجرس ونروح عالبيت بعد فترة صار
يرن الجرس صرنا فوراً نضب غرانا ونروح عالبيت (حتى لو كان جرس الفرصة) (⚡)
هلق رح نشوف طريق السيالات للمنعكس الغريزي وللمنعكس الشرطي :

● المنعكس الغريزي (يعني بفطرة الكلب) :

نهايات حسية باللسان << عصبون حسي >> مركز عصبي (بصلة سيسائية) << عصبون
مفرز >> غدد لعابية وإفراز اللعاب .

● المنعكس الشرطي :

صوت الجرس << الأذن >> القشرة المخية << البصلة سيسائية >> الغدد اللعابية وإفراز
اللعاب .

هون تدخلت القشرة المخية لأنو سمع صوت الجرس صار في شعور بوجود لحمه اجباري
فلهيك شطت ريالو

ملاحظة هامة : ## يستنتج للمخ علاقة بالمنعكس الشرطي




علل للمخ علاقة بالمنعكس الشرطي !!


لأن المخ كون رابطة بين المنبه الثانوي الشرطي والاستجابة .

بناءً على طلب إحدى الطالبات على بريد صفحة العلوم

كيف نفرق المنعكس الغريزي من الشرطي

المنعكس الغريزي

مثل لما بتاكلي لحمه مشوية ومعها البصل المشوي   
وبتحطي اللقمة بفمك


نهاية الحسية باللسان  بتبعث عن طريق عصبون حسي جابذ إلى المركز العصبي


البصلة  سيسائية يلي بدورها بتبعث خبر عن طريق العصبون المفرز نابذ للغدد اللعابية

وبتأمرها تفرز اللعاب 

لاتدخل القشرة المخية بالسيناريو

عناصر المنعكس الغريزي

نهايات حسية في اللسان  _ عصبون جابذ حسي _ المركز العصبي في البصلة

السيسائسة  _ عصبون مفرز نابذ _ الغدد اللعابية _ إفراز اللعاب .

أما المنعكس الشرطي 😊
 لما تشمي 😞 😞 ريحة اللحمة المشوية
 هيك بصير فيك 😊 😊 😊 إفراز اللعاب والمركز العصبي الأول القشرة المخية لأنو
 بتروح الريحة عالمخ 😞 وبتفتح الملفات الماضية 📁 📁 📁 📁
 وبقله بتتذكر هل الريحة 😊 😊 بتشبه ريحة اللحمة المشوية بتبعث أمر للبصلة السيسائية
 يلي بتخبر الغدد اللعابية

زكاتكم أفرزولها لعاب 😊 😊 😊 😊 😊 😊 😊
 وبتبلش تشتغل العصارات الهاصمة بمعدتك وبتجوعي 😊

عناصر القوس الانعكاسية الشرطية
 رائحة _ أنف 🤧 _ القشرة المخية 🧠 _ البصلة السيسائية ☐ _ الغدد اللعابية _ إفراز
 اللعاب

حاولت حطلك مثال آخر لكن نظراً للظروف الإقتصادية
 بس ما لقيت مثال قريب ومؤثر غير هاد 😊 😊 😊 😊 😊 😊
 وخاصة في بصلة
 والسلام علينا وعليكم

بشار ديوب

انتهى الدرس العاشر

الدرس الحادي عشر : بعض أمراض الجهاز العصبي

هنون ٥ أمراض معروفة ومشهورة ركزو عليهم و عنا لكل مرض أسباب وأعراض ونتائج وحلول

١_ داء باركنسون**شو { أعراض } المرض ؟**

- _ تصلب في العضلات .
- _ ارتعاش ايقاعي باليدين .
- _ صعوبة بالحركة .

عنا هلق أسبابو :

تلف الخلايا العصبية بالمادة السوداء لجذع الدماغ مع التقدم بالعمل أو سبب نقص بعض المركبات الكيميائية أو بسبب وراثي .
 رح نحكي السبب بالتفصيل ... خلايا المادة السوداء لجذع الدماغ بتفرز ناقل عصبي اسمو (الدوبامين) وهاد الدوبامين بروح لعند الجسمين المخططين يعني هو بنبط التنبهات يلي بتصير بالجهاز العصبي المركزي طيب وفي عنا من ناحية ثانية عصبونات القشرة المخية بتحرر الاستيل كولين لعند الجسمين المخططين والاستيل كولين (منه) للجهاز العصبي المركزي .
 ممتاز طيب إذا ماتت عصبونات المادة السوداء ؟؟

منعرف هي بتفرز الدوبامين يعني انضربت مصانع الدوبامين أكيد رح يقل الدوبامين والدوبامين مئبط للجهاز العصبي المركزي وإذا قل الدوبامين يعني بضل الاستيل كولين ام ينبه الجهاز العصبي المركزي بضل بنبهو وبزيد فعالية الجسمين المخططين وهون بصيب المريض تقلصات مستمرة (بمعظم) العضلات الهيكلية للجسم .

طيب شو هي المادة السوداء :

هي خلايا عصبية كبيرة تقع في الدماغ المتوسط ، سيتوبلاسمها غنية بالميلانين ، تفرز الدوبامين الذي ينتقل عبر محاورها إلى الجسم المخطط .

دوبامين لحالو



طليعة دوبامين



ايوا طيب عرفنا السبب شو الحل ياترى !!؟
العلاج :

منعطي المريض طليعة دوبامين ...
وقف استاذي ليش لنعطيه طليعة دوبامين مو دوبامين
سؤال حلو

منعطيه طليعة لأنو الدوبامين ما بمر من الحاجز
الدماغي الدموي بتعرفوا الحاجز الحاجز الدماغي
الدموي موجود ليحمي الدماغ .

والدوبامين ما بينعطى هيك كيف ماكان مشان
ما يأذي لهيك منعطي طليعة دوبامين وبس يصير
جوا الدماغ بتحول لدوبامين
وهيك خلصنا من أول مرض منجي عالبعو



□□□

٢_ مرض ألزهايمر (الخرف المبكر) :

انتبهو اسمو ألزهايمر مو زهايمر يعني مع ال التعريف بصير ألزهايمر
المهم هالمرض بصيب (بعض) المتقدمين بالعمر يعني من 60 تقريباً وما فوق
{ الأعراض } :

_ يعاني المصاب صعوبة في تذكر الأحداث القريبة .
_ يصبح مرتبكاً كثير النسيان .
_ ريثما يحدث فقدان تام للذاكرة في المراحل المتأخرة للمرض .

{ الأسباب } :

يحدث نتيجة تراكم لويحات من بروتين بيتا النشواني (الأميلويد) حول العصبونات في
القشرة المخية (و) تلفيف الحصين ؛ مما يؤدي على فقدانها القدرة على التواصل مع
العصبونات الأخرى وضمورها ثم موتها .
بتتذكرو بالدرس ال ٨ عصبية انو المرونة العصبية والارتباطات بين العصبونات تشقدها مهمة
للذاكرة

فإذا فقدت هالارتباط أكيد رح يآثر عالذاكرة .



□□□

٣_ مرض الشقيقة (الصداع الوعائي) :

الأسباب :

توسع فرع أو أكثر من الشريان السباتي يؤدي إلى تنبيه النهايات العصبية في هذا الشريان
وينتج عنا صداع وحيد الجانب (وحيد الجاني يعني بتحس يا قسم راسك اليمين يا قسم راسك
اليسار عم يوجعك كتير كتير) ، ويثار بعوامل بيئية أو نفسية محددة .

٤_ التصلب اللويحي المتعدد :

الأعراض :

يحل المريض بصدمة كهربائية عند تحريك العنق .

الأسباب :

تنتج الأعراض من زوال غمد النخاعين في مناطق متعددة من المادة البيضاء للجهاز العصبي المركزي ، وهو تنكس عصبي ومرض مناعي ذاتي يسبب فقدان خلايا الدبق قليلة الاستطالات ، وتفككها إلى صفائح متصلة .

بتذكرو بالدرس ٢ عصبية انو خلايا الدبق قليلة الاستطالات بالجهاز العصبي المركزي بتشكل غمد النخاعين .

فإذا المصنع تبع الغمد انضرب بالغمد رح يروح معو ويصير الليف شبه مجرد من النخاعين يلي بحميه .

طبعاً هالمرض ببين بين سن 20 ل 40 سنة .

□□□

٥_ الصرع :


الأعراض :

حركات تشنجية لا إرادية ، والسقوط أرضاً ، وفقدان الوعي بضع دقائق .

الأسباب :

اختلال ناجم عن نوبات من النشاط الكهربائي الدماغى المشوش .

...



ديوب



● هلق رح نعمل الدرس كجدول :

العلاج إن وجد بالدرس	الأسباب	الأعراض	
يعطى المريض طليعة دوبامين الذي يتحول في الدماغ لدوبامين	تلف الخلايا العصبية بالمادة السوداء لجذع الدماغ مع التقدم بالعمر أو سبب نقص بعض المركبات الكيميائية أو بسبب وراثي	تصلب في العضلات. ارتعاش ايقاعي باليدين صعوبة بالحركة	داء باركنسون (الشلل الرعاشي)
	يحدث نتيجة تراكم لويحات من بروتين بيتا النشواني (الأميلويد) حول العصبونات في القشرة المخية (و) تلفيف الحصين ، مما يؤدي إلى فقدانها القدرة الى التواصل مع العصبونات الأخرى وضمورها ثم موتها	يعاني المصاب صعوبة في تذكر الأحداث القريبة . يصبح مرتبكاً كثير النسيان . ريثما يحدث فقدان تام للذاكرة في المراحل المتأخرة للمرض .	الزهايمر
	توسع فرع أو أكثر من الشريان السباتي يؤدي إلى تنبيه النهايات العصبية في ذا الشريان	١_ صداع شديد على أحد جانبي الرأس مع الإحساس بالنبض ويزداد سوءً عند الحركة ٢_ النبض حول العينين وفي الرأس . ٣_ غثيان أو قيئ ٤_ الحساسية للضوء والصوت ٥_ يستمر عادة من ٤ إلى ٥ أيام غير موجود بالكتاب	الشقيقة (الصداع الوعائي)

	<p>تنتج الأعراض من زوال غمد النخاعين في مناطق متعددة من المادة البيضاء للجهاز العصبي المركزي وهو تنكس عصبي ومرض مناعي ذاتي بسبب فقدان خلايا الدبق قليلة الاستطالات ، وتفككها إلى صفائح متصلبة .</p>	<p>يحس المريض بصدمة كهربائية عند تحريك العنق .</p>	<p>التصلب اللويحي المتعدد</p>
	<p>اختلال ناجم عن نوبات من النشاط الكهربائي الدماغي المشوش</p>	<p>حركات تشنجية لا إرادية ، والسقوط أرضاً ، وفقدان الوعي لبضع دقائق .</p>	<p>الصرع</p>

بشار ديوب

انتهى الدرس الحادي عشر وانتهى معه بحث العصبية .

للتذكير :

هذا العمل على روح المرحوم والدي طالب ديوب وعلى روح أخي الشهيد ضرار ديوب
فضلاً وليس أمراً الدعاء لهما بالرحمة
ولاتسوني من خالص دعائكم
انتظروني في الأيام المقبلة بأشياء أعظم ...

هذا العمل أخذ ساعات من الجهد والتعب حتى وصل إليكم ...

مع تحياتي أخوكم الصيدلاني : بشار طالب ديوب

للتواصل واتساب : 0947056901

للوصل لقناتنا اضغط على 

<https://t.me/Science With BASHAR>

بشار ديوب

